



SAMOA

**TULAFONO FAATONUTONU O LE FAAFOEGA  
O LAFOGA (POLOKALAME FAAELETORONI  
E MATAITU AI FAAMATALAGA O OLOA  
FAATAU MO LAFOGA) 2020**

Faatulagaina o Aiaiga

**VAEGA 1  
FAATOMUAGA**

1. Igoa puupuu ma le amataga
2. Faamatalaina o uiga o upu
3. Sini

**VAEGA 2  
POLOKALAME  
FAAELETORONI**

*Vaevaega 1 - Faavaeina ma le  
faamatalaina o le polokalame  
faaeletoroni*

4. Faavaeina o le polokalame  
faaeletoroni
5. Faamatalaina o le faagaoioiga  
o le polokalame faaeletoroni

*Vaevaega 2 - Vaega taitasi o  
le faagaoioiga o le polokalame  
faaeletoroni*

6. Manaoga e ao ona faagaoioia  
ai le polokalame faaeletoroni  
tau faamatalaga
7. Masini tupe faaeletoroni  
(EFD)
8. Faamaonia o le aloaia o POS  
ma E-SDCs - talosaga a  
tagata latou te tuuina atu oloa  
ma auunaga
9. Faamaoniga Aloaia o POS ma  
E-SDCs - Talosaga a tagata  
totogi lafoga
10. Faalēaogāina o Faamaoniga  
Aloaia
11. Pepa faamaonia e faaaoā ai  
fuainumera

2 *Tulafono Faatonutonu o le Faafoega o Lafoga* 2022/2  
(*Polokalame Faaeletoroni e Mataitu ai Faamatalaga*  
*o Oloa Faatau mo Lafoga*) 2020

12. Pepa e totogi ai tupe

**VAEGA 3**  
**GALUEGA FAATINO**  
**MA AMIOGA**

13. Galuega tauave a le Komesina
14. Galuega tauave a tagata o tuuina atu oloa ma auunaga
15. Amioga a tagata o tuuina atu oloa ma auunaga
16. Galuega tauave a tagata totogi lafoga
17. Galuega faatino a tagata totogi lafoga- EFDs
18. Galuega tauave a pisinisi a le tagata totogi lafoga - tuuina atu o pepa e totogi ai tupe
19. Galuega faatino a tagata totogi lafoga
20. Galuega faatino a tagata o faaaogāina auunaga

**VAEGA 4**  
**AIAIGA ESEESE**

*Vaevaega 1 - Taiala*  
*ma tulafono*

21. Faasinomaga i Taiala
22. Tulafono mo fesootaiga ma le fetufaaiga o faamatalaga i le va o masini EFD ma le polokalame faakomepiuta a le Ofisa o o Tupe Maua a le Atunuu

*Vaevaega 2- Soligatulafono*  
*ma faasalaga*

23. E ao i le tagata o faaooina atu oloa ma auunaga ona tausisia le tulafono faatonutonu 15
24. E ao i le tagata totogi lafoga ona tausisia le tulafono faatonutonu 19
25. Soligatulafono mo le lē faamaoni ma amioga tau faasese

*Vaevaega 3 - Aiaiga Eseese*

26. Lomia faasalalau o tuutuuga ma taualumaga mo le iloiloga o le polokalame faakomepiuta a le Ofisa o Lafoga ina ia faamaonia ai risiti, ma le sa'o atoatoa o faamaumaga tau tupe
27. Polokalame o tau taualoa o tulaga tausisia mo tagata o faaaogāina auunaga
28. Sueina faasuetusi ma iloiloga
29. Faamalositia o le Tausisia
30. Tapunia lē tumau o pisinisi
31. Faasalaga lautele tau pulega
32. Tuufaatasiga o Soligatulafono

**FAAMATALAGA**

---

**E TUSA AI** ma le fuaiupu 101A o le Tulafono o le Faafoega o Lafoga 2012 (Tulafono), **O A'U, TUIMALEALI'IFANO VA'ALETOA SUALAUVI II**, O Le Ao o le Malo, i le faia i luga o le fautuaga a le Kapeneta, **UA OU FAIA AI** Tulafono Faatonutonu nei:

**FAIA** i lenei aso 25 o Fepuari 2020.

sainia:      (Tuimalealiifano Vaaletoa Sualauvi II)

**OLE AO OLE MALO**

**TULAFONO FAATONUTONU**

**VAEGA 1  
FAATOMUAGA**

**1. Igoa puupuu ma le amataga-**(1) E mafai ona taua nei Tulafono Faatonutonu o Tulafono Faatonutonu o le Faafoega o Lafoga (Polokalame Faaelevatoroni e Mataitu ai Faamatalaga o Oloa Faatau mo Lafoga) 2020.

(2) O nei Tulafono Faatonutonu e amata faamamaluina i le aso e faamamalu ai le Tulafono o Teuteuga o le Tulafono o le Faafoega o Lafoga (Polokalame Faaelevatoroni) 2020.

**2. Faamatalaina o uiga o upu-**(1) I totonu o nei Tulafono Faatonutonu, ae vagana ai ua manaomia e le mataupu se isi uiga e ese ai:

“faamaonia aloaia”, e tusa ai ma se POS po o se E-SDC, o lona uiga ua faamaonia aloaia e le Komesina o Lafoga i lalo o le tulafono faatonutonu 8 po o le 9;

“talosaga” o lona uiga o se talosaga ua faia i se pepa faatumu ua faamaonia e le Komesina;

“e avea ma vaega o se pepa e totogi ai tupe” o lona uiga ua faamauina i luga o le pepa e totogi ai tupe ma totogi e avea ma vaega o le aofaiga atoa e tatau ona totogi ua faamaoti atu i le pepa e totogi ai tupe;

“pisinisi” o lona uiga o se pisinisi e tuuina atu ai oloa ma auunaga ia o lo o faagaoioia e se tagata fai lafoga;

4 *Tulafono Faatonutonu o le Faafoga o Lafoga* 2022/2  
*(Polokalame Faaletoroni e Mataitu ai Faamatalaga*  
*o Oloa Faatau mo Lafoga) 2020*

“tali tupe” o lona uiga o se tagata o ia lea, ua avea ma vaega o lana galuega, le faagaoioia o se POS mo se pisinisi;

“kamupani” e aofia ai so o se gaoioiga ua faasino tonu i le maua mai o tupe e ala i feaatauaiga, pisinisi po o alamanuia, ma e aofia ai foi so o se feaatauaiga po o galuega;

“tagata e faaaogāina auunaga” o lona uiga o se tagata o ia lea, o lo o tuuina atu i ai oloa ma auunaga a se pisinisi;

“polokalame o tau taualoa e tuuina atu i tagata e tausisia le faaaogāina o auunaga” o lona uiga o se polokalame o tau taualoa o le tausisia e tagata o faaaogāina auunaga ua faatino i lalo o le tulafono faatonutonu 26;

“tusi faamaonia e faaaogāina ai fuainumera” o lona uiga o se pepa aloaia tulaga ese faaeletoroni ua tuuina atu e le Komesina mo EFD taitasi ia e:

(a) faamaonia ai le EFD pe a fesootai ma le polokalame faaeletoroni a le IRS; ma

(b) eaofia ai ma ki faalauaitete ma faailoilo mo le faia, tuuina atu ma le faamaonia o le saina e faaaogāina ai fuainumera o le EFD.

“saina e faaaogāina ai fuainumera” o lona uiga o le fuainumera faalilolilo lea:

(a) ua faia i se SDC e faaaogāina ai fuainumera faailoilo;

(b) ua faamauina i luga o pepa taitasi e totogi ai tupe e le SDC;

(c) e faailoagofie ai le tagata fai lafoga; ma

(d) faamaonia ai le moni o le SDC pe a faaliliuina atu faamatalaga tau tupe i le polokalame faaeletoroni a le IRS.

“masini faaeletoroni e mataitu ai tupe” po o le “EFD” o lona uiga o se polokalame faaeletoroni e aofia ai se tasi o SDC ma a itiiti mai e tasi le POS ua fesootai faatasi, lea e mafai ona:

(a) mauaina, faamau, auiliili ma teuina faamatalaga tau tupe;

(b) faatulaga faamatalaga tau tupe i pepa e totogi ai tupe;

(c) e mautu vaega o lo o faaliliuina ai faamatalaga tau tupe i le polokalame faaeletoroni a le IRS; ma

(d) tuuina atu pepa e totogi ai tupe ma faaoo atu i se tagata o faaaogāina auaunaga.

“Masini e Faatonutonuina faamatalaga o Faatauga (SDC)” po o “Masini e Faatonutonuina Faamatalaga o faatauga i fafo atu E-ESDC” o lona uiga o se masini e faatonutonuina faamatalaga o faatauga lea ua i se polokalame ua faatulagaina e avea ma vaega ua vavae ese o le masini faaeletoroni e faafoe lelei ai tulaga tau tupe o pisinisi e faaaogāina e tagata fai lafoga;

“faamatalaga o tupe maua ma lafoga” o lona uiga o faamatalaga tau le feuaiga tau tupe lea e manaomia e auaunaga tau lafoga mo le fua faatatauina ma le faaeina atu o lafoga;

“pepa e totogi ai tupe” o lona uiga o se risiti lea:

(a) o lo o faailoa atu ai se noataga e totogi ai tupe ma e aofia ai ma se pepa e totogi ai le lafoga;

(b) e tuuina atu mai se masini faaeletoroni o tulaga o tupe maua ma lafoga (EFD) e faailoa ai e faapea, na faia se feuaiga faapisinisi i le va o se pisinisi ma se tagata o faaaogāina le auaunaga; ma

(c) ua maea ona lolomi ai i luga le faamatalaga tau tupe ma i si faamatalaga e faasino i lea feuaiga faapisinisi i lalo o le tulafono faatonutonu 12(2).

“Taiala” o lona uiga o se taiala ua faamaoti atu i le tulafono faatonutonu 21 ma ua faatulaga atu i totonu o le Faamatalaga;

“Auaunaga o Tupe Maua i le Atunuu (IRS)” o lona uiga o Auaunaga o Tupe Maua i le Atunuu ua faavaeina i lalo o le fuaiupu 4 o le Tulafono o Tupe Maua 2012;

“Polokalame e faatino ai Auaunaga o Tupe Maua” o lona uiga o le polokalame faaeletoroni e faafoe ai faamatalaga ia e ao i le Auaunaga o Tupe Maua ona faagaioioi ai i lalo o le tulafono 6(1);

“tuuina atu”, e tusa ai ma se pepa e totogi ai tupe, o lona uiga e tuuina atu i se tagata e faaaogāina auaunaga na te mauaina ma tausia;

“Matagaluega” o lona uiga o le Matagaluega e fitoitonu ma Tupe Maua;

6 *Tulafono Faatonutonu o le Faafoega o Lafoga* 2022/2  
(*Polokalame Faaelevatoroni e Mataitu ai Faamatalaga*  
*o Oloa Faatau mo Lafoga*) 2020

“POS” o lona uiga o se masini po o le polokalame faakomepiuta e faamauina ai tupe na faia ai le faatau, lea o se polokalame faaelevatoroni po o se polokalame faakomepiuta lea e:

- (a) faaaogāina e se pisinisi mo le faatonutonuina o le faafoega o mataupu tau le auiliiliga o faatauga ma oloa; ma
- (b) o se vaega o le Masini Faaelevatoroni tau tupe a le pisinisi (EFD) -
  - (i) lea e faamauina ai i totonu e le talitupe faamatalaga o feuaiga faapisinisi taitasi e faia a le pisinisi; ma
  - (ii) lea o lo o tuuina atu ai le pepa e totogi ai tupe mo feuaiga faapisinisi.

“taualumaga aloaia o pulea ai tupe maua ma lafoga” o lona uiga o le taualumaga aloaia ua faaavanoa atu i tagata lautele e le Komesina o Lafoga i lalo o le tulafono faatonutonu 22;

“risiti” o lona uiga o se risiti po o se pepa e totogi ai tupe;

“SDC” o lona uiga o se masini e faatonutonu ai faamatalaga o faatauga lea ua avea ma vaega o se Masini Faaelevatoroni o Tupe Maua ma Lafoga (EFD) lea e:

- (a) maua ai faamatalaga o feuaiga faapisinisi mai se vaega o le Nofoga na faia ai le faatau (POS) o le Masini Faaelevatoroni o Tupe Maua ma Lafoga (EFD);
- (b) auiliili ai faamatalaga tau feuaiga faapisinisi i faamatalaga tau tupe;
- (c) faatulaga faamatalaga tau tupe e avea ma pepa e totogi ai tupe, faia saina e faaaogāina ai fuainumera mo le EFD ma faamaumau saina i fuainumera i luga o pepa e totogi ai tupe;
- (d) faaliliuina atu pepa e totogi ai tupe i le nofoaga na faatau ai (POS);
- (e) ia teumalu faamatalaga o feuaiga faapisinisi ma faamatalaga o tupe maua i se faiga manino ma mautu; ma
- (f) faaliliuina atu faamatalaga tau tupe i le Auaunaga o Tupe Maua i le Atunuu.

“vaega malupuipua” o lona uiga o le polokalame faakomepiuta o faaaogāina e le masini tupe EFD ma le Auaunaga o Tupe Maua e puipua ai le loteina ma le faaaogā e aunoa ma se faatagaga o faamatalaga tau tupe ua faaliliuina atu i le polokalame faaelevatoroni a le Auaunaga o Tupe Maua, ina ia faatumauina ai le moni atoatoa o faamatalaga tau tupe;

“tagata e tuuina atu oloa ma auaunaga” o lona uiga o se tagata o ia lea o ia tuuina atu se EFD po o se vaega o se EFD i se tagata fai lafoga;

“faaooina atu” o lona uiga:

(a) o le faaoo atu i totonu o le uiga o le Tulafono o Lafoga o Oloa ma Galuega Faatino e Faia i Luga o Aofaiga o Tau 2015; po o

(b) le tuuina atu o auaunaga i lalo o se maliega mo le faapipiina, faatino, faia o galuega po o le tausia o se EFD po o se vaega o le EFD.

“lafoga” o lona uiga:

(a) o le lafoga ua faaee atu i lalo o se tulafono o lafoga, ma e aofia ai lafoga taofiofi, lafoga faaagaaga ma faasalaga;

(b) so o se isi lava lafoga ua faamaoti atu e le Komesina e ala i se faasilasilaga i totonu o le nusipepa o le Savali e aveia ma vaega o se pepa e totogi ai tupe.

“tagata fai lafoga” o lona uiga:

(a) o se tagata fai lafoga e pei ona faamatalaina auiliili i totonu o le Tulafono o le Faafoega o Lafoga; po o

(b) so o se isi lava tagata o ia lea ua manaomia i se tulafono o lafoga ina ia tuuina atu se risiti.

“tagata ofisa o lafoga” o lona uiga o le Komesina po o so o se isi tagata ofisa ua tofia mo faamoemoega o le faataunuuna o tulafono o lafoga;

“feuiaiga faapisinisi” o lona uiga o se feuiaiga faapisinisi i le va o le pisinisi a le tagata fai lafoga ma se tagata o ia faaaogāina auaunaga lea e:

8 *Tulafono Faatonutonu o le Faafoga o Lafoga* 2022/2  
(*Polokalame Faaelevatoroni e Mataitu ai Faamatalaga  
o Oloa Faatau mo Lafoga*) 2020

- (a) faaoo atu ai e le pisinisi oloa ma auaunaga i lē o lo o ia faaaogāina auaunaga ma totogi atu ai le tau o le faaooina atu o oloa ma auaunaga i le pisinisi, e le tagata o lo o ia faaaogāina lea auaunaga; po o
- (b) e totogi atu e le pisinisi i le tagata o ia faaaogāina le auaunaga se tupe toe faafoi o le tau atoa po o se vaega o lea tau na totogi ai ia oloa ma auaunaga na faaoo atu talu ai e le pisinisi i lea tagata na faaaogāina le auaunaga.

“faamatalaga o feuaiga faapisinisi” o lona uiga o faamatalaga e faasino i feuaiga faapisinisi na faamauina i totonu o le nofoaga o pisinisi (POS) e se tagata talitupe; ma

“V-SDC” o lona uiga o se Masini e Faatonutonu ai Faamatalaga o Faatauga e pei ona i ai, lea o se polokalame faakomepiuta o lo o fesootai ma le Polokalame Faaelevatoroni o Auaunaga o Tupe Maua i le Atunuu.

(2) I totonu o nei Tulafono Faatonutonu, o upu ma fuaitau e i ai o latou uiga tutusa i lalo o le Tulafono vagana ai ua manaomia e le mataupu se isi uiga e ese ai.

(3) O se faasinomaga o i totonu o nei Tulafono Faatonutonu e uiga i le faaooina atu o oloa ma auaunaga, o se faasinomaga lea i le faaooina atu o oloa ma auaunaga ia e faaee atu i ai se lafoga.

(4) O se faasinomaga i:

- (a) se Faamatalaga o se faasinomaga lea i se Faamatalaga i nei Tulafono Faatonutonu; ma
- (b) se Faamatalaga e ala i se fuainumera o se faasinomaga lea e i se Faamatalaga ua faapea ona faanumeraina.

**3. Sini** - O le sini o nei Tulafono Faatonutonu o le faatinoga lea o se polokalame faaelevatoroni e mafai ai e le Auaunaga o Tupe Maua i le Atunuu ona maua lelei mai, mataitu ma iloilo faamatalaga o tupe maua ma lafoga mo le fua faatatauina ma le faaeeina atu o lafoga ia e manaomia le avea ma vaega o se pepa e totogi ai tupe.



**VAEGA 2**  
**POLOKALAME FAAELETORONI**

*Vaevaega 1 - Faavaeina ma le faamatalaina*  
*o le polokalame faaelevatoroni*

**4. Faavaeina o le polokalame faaelevatoroni-**(1) Ua faavaeina se polokalame faaelevatoroni e mafai ona faaliliuina atu ai, maua mai, faamauina, auiliili, faatulaga, teuina ma mataitu faamatalaga tau tupe.

(2) O le polokalame faaelevatoroni o le a aofia ai:

- (a) le polokalame faaelevatoroni a le Auaunaga o Tupe Maua i le Atunuu (IRS); ma
- (b) masini faaelevatoroni e faaogaina e tagata fai lafoga (EFD) i le faagaoioiga o a latou pisinisi.

(3) O galuega tauave a lenei polokalame faaelevatoroni o le maua mai lea ma mataitu faamatalaga sa'o atoatoa ina ia faavae ai se nofoaga mautu mo faamatalaga e iloiloaina ai, fua faatatauina ma faaee atu ai noataga mo lafoga.

**5. Faamatalaina o le faagaoioiga o le polokalame faaelevatoroni** - O vaega nei e faagaoioia le polokalame faaelevatoroni:

- (a) o se polokalame faaelevatoroni mo faamatalaga e faagaoioi e le Auaunaga o Tupe Maua i le Atunuu lea e taulimaina ai, faamaonia, faamauina, auiliili, teuina ma faaliliuina atu faamatalaga tau tupe;
- (b) o masini faaelevatoroni (EFD) e faagaoioi e tagata fai lafoga mo a latou pisinisi ia e faapipii ma fesootai faaelevatoroni i le polokalame faakomepiuta a Auaunaga o Tupe Maua i le Atunuu (IRS), e ala i le faaogaina o se tualumaga o faailoga faalilolilo mautu ma moni atoatoa;
- (c) o masini faaelevatoroni o i nofoaga o pisinisi ia e faaliliuina atu ai faamatalaga taitasi i masini faaelevatoroni o faatonutonu ai faamatalaga

10 *Tulafono Faatonutonu o le Faafoga o Lafoga* 2022/2  
(*Polokalame Faaletoroni e Mataitu ai Faamatalaga*  
*o Oloa Faatau mo Lafoga*) 2020

o faatauga (SDC), mauaina mai pepa e totogi ai tupe mo feuaiga faapisinisi mai le SDC ma tuuina atu pepa e totogi ai tupe;

- (d) o SDC ia e taulimaina faamatalaga o feuaiga faapisinisi mai POSes, e latou te faatulagaina i lea lava taimi ia faamatalaga e avea ma faamatalaga o tupe maua ma pepa e totogi ai tupe, ona faaliliuina atu lea o nei faamatalaga i le polokalame faaeletoroni a Auaunaga o Tupe Maua i le Atunuu ma faapena foi ona toe faaliliuina atu pepa e totogi ai tupe i POSes;
- (e) o le polokalame faaeletoroni a Auaunaga o Tupe Maua e faamaonia le moni atoatoa o faamatalaga tau tupe ua faaliliu atu e le SDC ma ia taulimaina, teuina, auiliili ma faamaonia faamatalaga tau tupe;
- (f) o vaega faapitoa o polokalame faakomepiuta a le polokalame faaeletoroni a le Auaunaga o Tupe Maua ma le EFD e faamautuina le puipuigamalu o le tulaga faalilolilo ma le faamaoni o faamatalaga tau tupe, e ala i le faaaogāina o taualumaga o faailoga faailoilo mautu, pepa faamaonia e faaaogāina ai fuainumera ma auala soofaatasi e faatino ai le moni atoatoa mo le taulimaina, faamaonia, faamauina, auiliili, teuina ma faaliliuina atu faamatalaga tau tupe;
- (g) o se vaega maoti o polokalame faakomepiuta a le polokalame faaeletoroni a le Auaunaga o Tupe Maua, o le a mafai ai e tagata fai lafoga ma i latou e faaaogāina auaunaga ona avanoa i faamatalaga tau tupe ua teuina i luga o le polokalame faaeletoroni a le Auaunaga o Tupe Maua, ina ia faamaonia ai mea o le a taua e faasino i se tasi (1) po o le sili atu o feuaiga faapisinisi -
  - (i) e faapea ua maea ona taulimaina e le polokalame faaeletoroni a Auaunaga o Tupe Maua faamatalaga tau tupe maua ua faaliliuina atu i ai;

(ii) o le moni atoatoa o faamatalaga tau tupe ua teuina i totonu o le polokalame faaelevatoroni a le IRS.

*Vaevaega 2 - O Vaega taitasi o le  
faagaoioiga o le polokalame faaelevatoroni*

**6. Manaoga e ao ona faagaoioia ai le polokalame faaelevatoroni tau faamatalaga-**(1) E ao i le Auaunaga o Tupe Maua i le Atunuu ona faagaoioia se polokalame faaelevatoroni tau faamatalaga lea e i ai polokalame faakomepiuta e:

- (a) fesootai faaelevatoroni atu i EFD a tagata fai lafoga taitoatasi;
- (b) e faamaonia ai le moni atoatoa o masini SDC taitasi ia e faaliliuina atu faamatalaga tau tupe i le polokalame faaelevatoroni;
- (c) taulimaina, faamau, auiliili ma teuina faamatalaga tau tupe na faaliliuina atu e se masini SDC;
- (d) faamautuina le malupuipua o le tulaga faalilolilo ma le faamaoni o vaega puipua, pepa faamaonia e faaaogāina ai fuainumera, saini e faaaogā ai fuainumera ma faamatalaga tau tupe na te taulimaina, auiliili, teuina ma faaliliu atu;
- (e) faafoe vaega malupuipua, pepa faamaonia ma saini e faaaogāina ai fuainumera;
- (f) faafoe se faagasologa o le sueina o tusi mo le mataituina ma le vaavaaiga o EFD ma faamatalaga tau tupe;
- (g) tuuina atu faamatalaga sa’o atoatoa i le IRS mo le fuafuaina o lafoga e totogi e tagata fai lafoga; ma
- (h) mafai ai e tagata fai lafoga ma i latou e faaaogāina auaunaga ona avanoa i faamatalaga tau tupe ua teuina i luga o le polokalame faaelevatoroni a le IRS, e faamaonia ai mea ua taua i lalo e tusa ai ma le tasi (1) po o le sili atu foi o feuiaiga faapisinisi -
  - (i) e faapea ua maea ona taulimaina e le polokalame faaelevatoroni a le IRS faamatalaga tau tupe ua faaliliuina atu i ai;

12 *Tulafono Faatonutonu o le Faafoega o Lafoga* 2022/2  
(*Polokalame Faaelevatoroni e Mataitu ai Faamatalaga*  
*o Oloa Faatau mo Lafoga*) 2020

(ii) e sa'o atoatoa faamatalaga tau tupe ua faamauina i totonu o le polokalame faaelevatoroni a le IRS.

(2) E ao ona tausisia i le faagaoioiga o le polokalame faaelevatoroni a le IRS taiala ua faatulaga atu i totonu o Faamatalaga o le Tulafono faatonutonu.

**7. Masini tupe faaelevatoroni (EFD)**-(1) E ao i se tagata fai lafoga ona faagaoioia se masini EFD mo ana pisinisi taitasi.

(2) E ao ona tausisia e se masini tupe EFD itu nei:

- (a) o vaega o le masini tupe EFD e tasi (1) po o le sili atu foi o POSes ma le SDC e tasi (lea e mafai ona avea ma E-SDC po o se V-SDC);
- (b) e faamaonia le aloaia o POS ma E-SDC taitasi;
- (c) e faaliliu atu e POS taitasi i le SDC se risiti, lea o lo o faamauina ai i luga le faamatalaga o feuaiga faapisinisi ua faamaoti atu i le tulafono faatonutonu 12(2) mo feuaiga faapisinisi taitasi o le pisinisi;
- (d) e taulimaina e le SDC le faamatalaga o le feuaiga faapisinisi, auiliili lea faamatalaga ma fua faatatauina lafoga e tuuina atu ai faamatalaga tau tupe mo lea feuaiga faapisinisi, ma faapea ona tuuina le saina o faaaogāina ai fuainumera i luga o le risiti;
- (e) o lo o i ai se tusi faamaonia e faaaogāina ai fuainumera lea e faamaonia ai le moni atoatoa o le EFD ma mafai ai e le SDC ona faaliliu atu faamatalaga tau tupe i le polokalame faaelevatoroni a le Auaunaga o Tupe Maua i le Atunuu;
- (f) e faaliliu atu e le SDC faamatalaga tau tupe i le polokalame faaelevatoroni a le IRS, ma faamaonia e le IRS ia faamatalaga tau tupe ma toe faaliliu atu i le SDC;
- (g) e faatulaga e le SDC se pepa e totogi ai tupe mo lea feuaiga faapisinisi, faamauina le saina e faaaogāina ai fuainumera i luga o le pepa e totogi ai tupe, ma faaliliuina atu lea pepa i le POS;

(h) e tuuina atu se pepa e totonu ai tupe mo feuaiga faapisinisi taitasi.

(3) E ao ona usitaia Taiala i le faagaoioiga o EFD.

**8. Faamaonia o le aloaia o POS ma E-SDCs-talosaga a tagata latou te tuuina atu oloa ma auaunaga-**(1) O se tagata o ia lea o ia tuuina atu oloa ma auaunagaua manao e faaoo atu i se tagata fai lafoga se POS po o se E-SDC o se ituaiga faapitoa, faatulagaga ma fua faatatau e le o ni POS po o ni E-SDC ua maea ona faamaonia aloaia, e ao ona ia talosaga atu i le Komesina mo le faamaonia aloaia ai o POS po o E-SDC o lea ituaiga, faatulagaga po o fua faatatau faapitoa.

(2) I le taulimaina ai o le talosaga, e ao i le Komesina ona faia laasaga e fuafuaina ai pe faamaonia aloaia lea ituaiga faatulagaga ma fua faatatau o le POS po o le E-SDC. I le faatinoina ai o lea tulaga, e ao i le Komesina ona ia tausisia le faagasologa ua faatulaga atu i Taiala o lo o i le Faamatalaga 3.

(3) A o faagasolo ai le faamaoniga aloaia, e ao i le tagata o ia tuuina atu oloa ma auaunaga ona faaavanoa atu i le Komesina faamatalaga ma masini, ma so o se isi lava fesoasoani e talafeagai ona ia manaomia mo le faatinoga o lea faagasologa o galuega.

(4) I le tuunai ai o le faatinoina o le faagasologa o le faamaoniga o agavaa, e tatau i le Komesina ona:

(a) faatatauina o agavaa, po o le teena se faamaoniga o agavaa, o le ituaiga, o le faataitaiga ma faamatalaga auiliili o se POS po o se E-SDC ina ia tusa ai ma Taiala ua faatulagaina mai i totonu o le Faamatalaga 3; ma

(b) e tatau, e aunoa ma se faatuai -

(i) tuuina se faasilasila tusitusiga i le o tuuina atu auaunaga e uiga i le faaiuga a le Komesina e faamaoniga ai o agavaa po o le teena ai o le faamaoniga o agavaa; ma

(ii) tuuina atu i le o tuuina atu auaunaga se kopi o le faamaoniga aloaia ua faia i lalo o le parakalafa 4 o le Taiala.

14 *Tulafono Faatonutonu o le Faafoega o Lafoga* 2022/2  
(*Polokalame Faaletoroni e Mataitu ai Faamatalaga*  
*o Oloa Faatau mo Lafoga*) 2020

(5) E tatau i le Komesina i le aunoa ai ma se faatuai i le tuanai ai o se faamaoniga o se POS po o se E-SDC i lalo o nei tulafono faatonutonu, ona lomia faasalalauina o tulaga auiliili o se ituaiga, faataitaiga po o faamatalaga auiliili o se POS po o se E-SDC, ma le aso ua faapea ona faamaonia ai o agavaa, i luga o le upega tafailagi a le Matagaluega.

(6) O le faamaoniga aloaia o agavaa o se POS po o se E-SDC i lalo o nei tulafono faatonutonu e leai sona aafiaga seia vagana ai ua faatulaga mai o tulaga auiliili o le ituaiga, faataitaiga ma faamatalaga auiliili o se POS po o se E-SDC ma le aso na faamaonia ai o agavaa, i luga o le upega tafailagi a le Matagaluega.

**9. Faamaoniga Aloaia o POS ma E-SDCs - Talosaga a tagata totogi lafoga-**

(1) E tatau i se tagata totogi Lafoga, ua manao e atinae, faapipii ma faatino se masini EFD mo lana pisinisi, ona tusi talosaga i le Komesina mo le faamaoniga o agavaa o POS ma E-SDC taitasi mo le EFD a o le i faatinoina le EFD.

(2) I le taulimaina ai o se tusi talosaga, e tatau i le Komesina ona faia laasaga e faailoa manino ai pe faamaonia aloaia agavaa o POS ma E-SDC taitasi o le EFD a le tagata totogi lafoga. I le faia ai o lea tulaga, e tatau i le Komesina ona tausisia o faagasologa ua faatulagaina mai i totonu o Taiala ua faatulagaina mai i totonu o le Faamatalaga 3.

(3) A o faagasolo ai le faagasologa o le faamaoniga aloaia o agavaa, e tatau i le tagata totogi Lafoga ona tuuina atu i le Komesina o avanoa i faamatalaga ma meafaigaluega, ma so o se isi auunaga lagolago, ua tatau ai ona moomia e le Komesina mo le faatinoina o le faagasologa.

(4) I le tuanai ai o le faamaeaina o le faagasologa o le faamaoniga aloaia o agavaa, e tatau i le Komesina:

- (a) faamaonia agavaa, po o le teena o le faamaoniga o agavaa o POS ma E-SDC taitasi ole EFD ina ia tusa ai ma Taiala ua faatulaga mai i totonu o le Faamatalaga 3; ma

(b) i le aunoa ai ma se faatuai -

(i) tuuina se faasilasila tusitusiga i le tagata totogi Lafoga e uiga i le faaiuga a le Komesina e faamaonia ai o agavaa po o le teena ai o le faamaoniga o agavaa; ma

(ii) tuuina atu i le tagata totogi lafoga se kopi o le faamaoniga aloaia ua faia i lalo o le parakalafa 4 o le Taiala.

(5) O le faamaoniga o agavaa o se EFD i lalo o lenei Tulafono Faatonutonu e lē faamamaluina seia vagana ai ua taulimaina e le tagata totogi Lafoga se faasilasilaga a le Komesina ua tuuina atu i lalo o le tulafono faatonutonu laitiiti (4)(b)(i).

**10. Faalēaogāina o Faamaoniga Aloaia-**(1) E tatau i le Komesina ona faalēaogāina o faamaoniga aloaia o se POS po o se E-SDC pe afai o sea POS po o se E-SDC ua lē tausisia Taiala.

(2) Afai ua faalēaogāina e le Komesina se faamaoniga aloaia o se POS po o se E-SDC lea sa faamaonia aloaia i lalo o le fuaiupu 8 o le tulafono faatonutonu, e tatau i le Komesina, e aunoa ma se faatuai -

(a) aveesea faamatalaga auiliili o le POS po o le E-SDC mai le upega tafailagi a le Matagaluega; ma

(b) tuuina atu se faasilasilaga tusitusia e faatatau i sea faalēaogāina i lē o tuuina atu auaunaga o le tuuina atu auaunaga i le POS po o le E-SDC.

(3) Afai ua faalēaogāina e le Komesina le faamaoniga aloaia o se POS po o se E-SDC lea sa faamaonia aloaia i lalo o le fuaiupu 9 o le tulafono faatonutonu, e tatau i le Komesina, e aunoa ma se faatuai, ona tuuina atu se faasilasilaga tusitusia o le faalēaogāina i le tagata totogi Lafoga o lo o faatautaia le EFD lea o lo o faapea ona avea ai le POS ma le E-SDC ma vaega.

(4) O se faasilasilaga i lalo o lenei tulafono faatonutonu e tatau ona faamaoti ai mafuaaga mo le faaiuga.

**11. Pepa faamaonia e faaaogā ai fuainumera-**(1) O le a tatau ona i ai se pepa faamaonia e faaaogā ai fuainumera mo se masini EFD o se pisinisi a se tagata totogi lafoga o lo o faatinoina auaunaga nei:

16 *Tulafono Faatonutonu o le Faafuaga o Lafoga* 2022/2  
(*Polokalame Faaletoni e Mataitu ai Faamatalaga*  
*o Oloa Faatau mo Lafoga*) 2020

- (a) toe faia o saina faakomepiuta e faaaogāina ai fuainumera mo le faamauina i luga o pepa e totogi ai tupe taitasi e tuuina atu e le tagata totogi lafoga i le tagata o faaaogāina le auaunaga;
- (b) toe faia o upu tatala faalilolilo (pin code) malupuipua a le tagata totogi lafoga ma tuuina atu le upu tatala faalilolilo i le polokalame faakomepiuta a le IRS ina ia mafai ai e le EFD ona fesootai atu i lea polokalame ma faaliliuina atu i se tulaga malupuipua faamatalaga tau tupe i le polokalame faakomepiuta a le IRS;
- (c) ia faamauina le aso lea na faaliliuina atu ai i le polokalame faakomepiuta a le IRS faamatalaga nei.

(2) E ao i le Komesina ona tuuina atu se pepa faamaonia e faaaogā ai fuainumera mo se EFD.

(3) E lē tatau i le Komesina ona tuuina atu le sili atu ma le tasi (1) se pepa faamaonia e faaaogāina ai fuainumera mo se EFD.

**12. Pepa e totogi ai tupe-**(1) E tatau ona i ai se pepa e totogi ai tupe mo feuaiga faapisinisi taitasi uma o se pisinisi.

(2) E ao ona faamaoti i totonu o pepa e totogi ai tupe faamatalaga auiliili nei:

- (a) o le ituaiga o risiti;
- (b) o le ituaiga feuaiga faapisinisi;
- (c) o le auala o lo o totogi ai tupe;
- (d) o le igoa po o se tulaga ese e iloagofie ai se tagata tali tupe;
- (e) o le igoa po o le numera faalilolilo o le iunite o oloa taitasi po o auaunaga o tuuina atu;
- (f) o le tau i iunite ma le aofaiga o oloa ma auaunaga taitasi o tuuina atu;
- (g) o le aofaiga o tau o oloa po o auaunaga o tuuina atu;
- (h) o lafoga ia ua avea ma vaega o le pepa e totogi ai tupe ma fua faatatau o lafoga o lo o faaaogāina;
- (i) o le aofaiga atoa o tau e totogi atu e le tagata o faaaogāina le auaunaga;



- (j) pe afai o le tagata o lo o faaaogāina le auaunaga o se tagata totogi lafoga, o le TIN a lē o faaaogāina le auaunaga;
- (k) o le igoa ma le TIN o le pisinisi, ma le pepa faamaonia e iloagofie ai fale ma nofoaga o le pisinisi ia o lo o faatino ai feuaiga faapisinisi;
- (l) o le aso ma le taimi na tuuina atu ai le risiti;
- (m) o le faasologa sa'o o numera o le risiti;
- (n) o le numera faasolo sa'o o le pepa faamaonia e faaaogā ai fuainumera o le EFD o le pisinisi;
- (o) o le saina faakomepiuta o le EFD; ma
- (p) e ao ona tusia i le gagana faa-Peretania.

(3) O le ituaiga o risiti o lo o faasinomia i totonu o le tulafono faatonutonu laitiiti (2)(a), e ao ona faapei o se tasi o ituaiga nei:

- (a) o se risiti masani, o le risiti lea ua tuuina atu pe a faapea ua faatino se feuaiga faapisinisi ma e faapea ua aafia ai noataga tau lafoga;
- (b) o se ata o se risiti, lea e ua faagaoioia o se ata o se risiti masani pe afai ua faatino se feuaiga faapisinisi ma e le o aafia ai aitalafu tau lafoga;
- (c) o se risiti o fono faaleaoaoga lea o lo o faaaogāina mo na o faamoemoeaga tau aoaoga ma e lē aafia ai noataga tau lafoga;
- (d) o se risiti o faamatalaga o oloa a o le i faatauina, lea o lo o i ai tulaga e iloa ai o se risiti masani, peitai e le o se faamaoniga o se feuaiga faapisinisi ma e lē aafia ai noataga tau lafoga.

(4) O le ituaiga o feuaiga faapisinisi ua faasinomia i totonu o le tulafono faatonutonu laitiiti (2)(b) e ao ona faapei o se tasi o ituaiga nei:

- (a) o le faaooina atu o oloa ma auaunaga;
- (b) o tupe toe faafoi o totogi po o se vaega o se tupe ua totogi mo oloa ma auaunaga na faaooina atu muamua.

(5) O le auala na totogi ai tupe e pei ona taua i totonu o le tulafono faatonutonu laitiiti (2)(c) e aofia ai, ma e lē faatapulaaina i, tupe totogi e ala i tinoitupe, pepa e tala ai tupe ma tupe faa-aitalafu (credit or debit card), siaki, pepa tala oloa, pepa faamaonia

e totogi ai tupe, faaliliuina tuusao atu o tupe faa-aitalafu ma tupe totogi faapoloaiga.

(6) O se risiti o tupe o aoaoga po o se risiti o faamatalaga o oloa a o le i faatauina e pei ona taua i totonu o le tulafono faatonutonu laitiiti (3)(c) po o le (d) e ao ona matua manino ma iloa lelei e ese mai se risiti masani e ala i le faamauina i luga o le risiti o upu nei:

(a) “AOAOGA” po o “FAAMATALAGA O OLOA A O LE I FAATAUINA”, e pei ona manaomia ai e le mataupu, i lalo ifo o le ulutala o le risiti ma luga ae o le vaega o faamatalaina ai mea taitasi; ma faapea:

(b) “E LE O SE PEPA E TOTOGI AI TUPE” i lalo ifo o le aofaiga atoa o tupe totogi.

(7) O le tusiga aloaia e pei ona faasinomia i totonu o le tulafono faatonutonu laitiiti (6) e ao ona:

(a) faamauina i luga o le risiti i sea faiga ina ia aua ai nei toe mafai ona suia pe aveeseina; ma

(b) i se ituaiga lolomi a itiiti mai e faaluaina le lapoa o le tusiga i luga o le risiti o lo o faamaoti mai ai le aofaiga atoa o tupe e totogi.

### **VAEGA 3** **GALUEGA FAATINO MA AMIOGA**

**13. Galuega tauave a le Komesina-**(1) O le Komesina e fitoitonu ma le faafoeina o Tulafono Faatonutonu nei.

(2) I le faafoeina ai o Tulafono Faatonutonu nei, o le Komesina e fitoitonu ma le:

(a) faagaioia o le faiga faakomepiuta a le IRS i se faatinoga e taussia ai Tulafono faatonutonu nei;

(b) taulimaina o fautuaga talafeagai i mataupu tau tomai faapitoa e patino i faamatalaga faaeletoroni, faiga e mataituina ai pepa totogi o lafoga, faagaioiga o pepa e totogi ai tupe ma faamatalaga faamauina o tupe mo le faafoeina o nei tulafono faatonutonu;

(c) faatagaina tagata ofisa o lafoga e faatino galuega e mafai ai ona taussia e le Komesina nei Tulafono Faatonutonu;

- (d) faavae ma tausia, i faiga faaeletoroni ma i so o se isi lava auala ua manatu le Komesina ua talafeagai ai le tuulata mai o faamaumauga talafeagai o -
- (i) le igoa ma le tuatusi o tagata taitoatasi totogi lafoga;
  - (ii) le tuatusi o nofoaga taitasi ia ua faapea ona faagaioia ai pisinisi a tagata totogi lafoga;
  - (iii) faamatalaga auiliili o le masini EFD ua faagaioia mo le pisinisi a le tagata totogi lafoga;
  - (iv) faamatalaga auiliili o faamatalaga faamauina e lē manaomia ua faamauina i totonu o se POS ma le auala na faapea ona faasaoina po o na faalēaogāina ai; ma
  - (v) faamatalaga auiliili e uiga i le lē atoatoa o po o le faaaogā sese o EFD;
- (e) faamaonia aloaia o POS ma E-SDC;
- (f) taulimaina o faasea ma lipoti e faatatau i EFDs;
- (g) faatulaga ma faatumauina se faiga e mafai ai e tagata totogi lafoga ma tagata e faaaogāina auaunaga ona avanoa i faamatalaga faamauina o tupe ua teuina i luga o le polokalame faakomepiuta a le IRS e faamaonia ai mea ua taua e fesootai e lē gata i se feuiuga faapisinisi se tasi (1) po o le sili atu foi-
- (i) lea ua taulimaina e le polokalame faakomepiuta a le IRS faamatalaga tau tupe ua teuina i ai;
  - (ii) o le sa’o atoatoa o faamatalaga tau tupe ua teuina i luga o le polokalame faakomepiuta a le IRS.
- (h) lomina faasalalau o faamatalaga, e aofia ai e ala i le lomina faasalalauina o faamatalaga i luga o tuatusi faakomepiuta a le Matagaluega po o i luga o se isi faiga faaeletoroni, e uiga i le faagasologa lea e mafai ai e tagata totogi lafoga ma tagata e faaaogāina le auaunaga ona avanoa ma faamaonia mataupu ua faatoai atu iai i totonu o le parakalafa (g);

- (i) faatautaia le sueina o tusi, asiasiga ma isi gaioioiga tau i le vaavaaiga e mautinoa ai e le o solia e le faiga faakomepiuta a le IRS ma masini EFD a tagata totogi lafoga taitoatasi Tulafono Faatonutonu nei;
- (j) faia laasaga ma faaiuga mo le moliaga o tagata ia ua tuuaia ua faia se soligatulafono faasaga i nei Tulafono Faatonutonu po o le tuufaatasia o ia soligatulafono ma poloaia le tagata solitulafono ina ia totogi se vaegatupe i lalo o le fuaiupu 59 o le Tulafono; ma
- (k) faatautaia se polokalame o tau taualoa mo tulaga tausisia e tagata o faaaogāina auaunaga.

#### **14. Galuega tauave a tagata o tuuina atu oloa ma auaunaga**

(1) E mafai e le tagata o tuuina atu oloa ma auaunaga ona ia tuuina atu se POS po o se E-SDC ua faamaonia aloaia i se tagata totogi lafoga.

(2) Afai ua iloa e le tagata o tuuina atu oloa ma auaunaga se tulaga faaletonu i, po o ua faaaogā sese se POS po o se E-SDC ua faamaonia aloaia, e ao i le tagata o tuuina atu oloa ma auaunaga ona lipoti atu le tulaga faaletonu ma ona mafuaaga (pe afai o iloa), po o ua faaaogā sese i le Komesina i se taimi vave lava e mafai ai ona faatino ina ua ia iloa lea tulaga.

(3) I totonu o le tulafono faatonutonu laitiiti (2), o se “tulaga faaletonu” e aofia ai le lē mafai ona faagaoioia, sese ona faaigoaina, faaleagaina po o ua misi se totoga.

(4) E mafai e se tagata o tuuina atu oloa ma auaunaga, o ia lea ua faia se maliega ma se tagata totogi lafoga e faapipii ma faagaoioia se masini EFD po o se vaega o se EFD i totonu o le pisinisi a le tagata totogi lafoga, ona ia taulimaina le tusi faamaonia e faaaogā ai fuainumera o le EFD e avea ai ma sui o le tagata totogi lafoga.

#### **15. Amioga a tagata o tuuina atu oloa ma auaunaga - E lē**

tatau i se tagata o tuuina atu oloa ma auaunaga ona ia ofoina atu se pa’ū, po o le tuuina atu, o se POS po o se E-SDC (tusa lava po o le avea ai ma EFD po o sona vaega) i se tagata totogi lafoga vagana ai ua faamaonia aloaia se POS po o se E-SDC.

**16. Galuega tauave a tagata totogi lafoga** - E ao i se tagata totogi lafoga i le taimi lava lea e maea ai ona faamatuuina atu se faamaoniga aloaia, ona faamauina lona igoa i le Komesina mo faamoemoega o lenei tulafono faatonutonu i le faiga ma i totonu o le vaiataimi e pei ona faailoa manino e le Komesina e ala i se faasalalauga faalauaitale i luga o le tuatusi faakomepiuta a le Matagaluega.

**17. Galuega faatino a tagata totogi lafoga - EFDs-(1)** O le a fitoitonu ma le tagata totogi Lafoga le faagaoioia o se masini EFD mo ana pisinisi taitasi e tusa ai ma Taiala.

(2) E ao i vaega taitasi o le masini POS ma E-SDC o le EFD o le pisinisi a le tagata totogi lafoga ona faamaonia aloaia.

(3) O le a fitoitonu ma le tagata lafoga le tuuina atu o faamatalaga nei i le Komesina:

- (a) o le igoa o le tagata totogi lafoga ma le tuatusi;
- (b) o le igoa ma le tuatusi o pisinisi taitasi o lo o faagaoioia e le tagata totogi lafoga;
- (c) o le ituaiga, faataitaiga ma faamatalaga auiliili o vaega taitasi o le masini EFD lea o lo o faagaoioia e le tagata totogi lafoga mo lana pisinisi.
- (d) faamaoniga mo mataupu taitasi pea tuuina atu tupe toe faafoi masani e le pisinisi; ma
- (e) so o se suiga i le (a) po o le (b).

(4) O le a fitoitonu ma le tagata totogi lafoga le faia o lipoti i le Komesina pe afai ua lē mafai e le tagata totogi lafoga ona faamaonia so o se mataupu ua taua e ala i le polokalame faakomepiuta ua taua i totonu o le tulafono faatonutonu 13(2)(g):

- (a) e faapea ua taulimaina e le Polokalame faakomepiuta a le IRS faamatalaga tau tupe ua faaliliuina atu i ai e le EFD a le tagata totogi lafoga;
- (b) o le sa’o atoatoa o faamatalaga faamauina tau tupe ua faaliliuina atu e le EFD a le tagata totogi lafoga i le polokalame faakomepiuta a le IRS.

**18. Galuega tauave a pisinisi a le tagata totogi lafoga - tuuina atu o pepa e totogi ai tupe-(1)** O le a fitoitonu ma le tagata totogi lafoga le faamautinoa e faapea, i ana pisinisi taitasi:

22 *Tulafono Faatonutonu o le Faafoga o Lafoga* 2022/2  
(*Polokalame Faaletoroni e Mataitu ai Faamatalaga*  
*o Oloa Faatau mo Lafoga*) 2020

(a) ia tuuina atu se pepa e totogi ai tupe i se tagata o faaaogāina le auaunaga mo feuaiga faapisinisi taitasi i le va o le pisinisi ma le tagata o lo o faaaogāina le auaunaga; ma

(b) o lo o i ai se faaaliga, i totonu o nofoaga taitasi o lo o faatino ai feuaiga faapisinisi a le pisinisi, i luga po o autafa o POS taitasi o lo o faagaoioia i nofoaga e faapea:

“FAASILASILA I TAGATA UMA O LO O FAAAOGĀINA LE AUAUNAGA: o le Tulafono Faatonutonu o le Faafoga o Lafoga (Polokalame Faaletoroni e Mataitu ai Faamatalaga o Oloa Faatau mo Lafoga) 2020 o lo o manaomia ai le tagata o faagaoioia leni pisinisi ina ia tuuina atu se pepa e totogi ai tupe i tagata taitoatasi o faaaogāina le auaunaga. AFAI E TE LE O TAULIMAINA SE PEPA E TOTOGI AI TUPE E TE AGAVAA I TUPE TOE FAAFOI. E mafai ona e faamaonia le moni atoatoa o pepa taitasi e totogi ai tupe uma ua tuuina atu ia te oe i luga o le tuatusi faakomepiuta a le Matagaluega o Tupe Maua a le Atunuu - <https://www.revenue.gov.ws>”

(2) O le faasilasilaga i lalo o le tulafono faatonutonu laitiiti (1)(b) e tatau ona faalauiloa ma faatulaga i le faiga ma le faatulagaga e faapea, ia manino lelei ma faigofie ona faitauina e tagata uma o lo o faaaogāina auaunaga a le pisinisi.

**19. Galuega faatino a tagata totogi lafoga-**(1) E ao i se tagata totogi lafoga ona:

(a) i ai se EFD mo le pisinisi; ma

(b) faamautinoa ua faamaonia aloaia POS ma E-SDC taitasi.

(2) E ao i se tagata totogi lafoga ona faapipiina, faatino ma faagaoioia le EFD ina ia tusa ai ma taiala.

(3) E tatau i se tagata totogi lafoga ona tuuina atu se pepa e totogi ai tupe i se tagata o faaaogāina auaunaga mo feuaiga faapisinisi taitasi a le pisinisi a le tagata totogi lafoga ma le tagata o faaaogāina le auaunaga.

(4) E faaaogā le tulafono faatonutonu laitiiti (3) tusa lava pe ua lē mafai pe ua teena foi e le tagata o faaaogāina auunaga le aveina o le pepa e totogi ai tupe.

(5) E lē tatau i se tagata totogi lafoga ona tuuina atu se pepa e totogi ai tupe e le o tausia ai le tulafono faatonutonu 12 i se tagata o faaaogāina auunaga.

(6) Afai o se feuaiga faapisinisi o le va o se pisinisi a se tagata totogi lafoga ma se isi pisinisi po o se pisinisi a le Malo, e tatau i le tagata totogi lafoga ona:

(a) talosagaina le tagata o faaaogāina auunaga e tuuina atu se TIN i le tagata totogi lafoga; ma

(b) i le taulimaina ai o le TIN, ia taina i totonu o le POS a le tagata totogi lafoga e avea o se vaega o faamatalaga faamauina o feuaiga faapisinisi mo lea feuaiga faapisinisi.

(7) E lē tatau i le tagata totogi lafoga ona ia lē mafai ona tuuina atu i le Komesina faamatalaga ua faamaoti mai i totonu o le tulafono faatonutonu 17(3).

(8) E lē tatau i le tagata totogi lafoga ona ia lē mafai ona faalauiloa atu se faasilasilaga e tusa ai ma le tulafono faatonutonu 18(1)(b).

(9) E tatau i le tagata totogi lafoga ona tausia tualumaga a le IRS ma talosaga mo le sueina o tusi o se EFD ma faamatalaga faamauina tau tupe.

**20. Galuega faatino a tagata o faaaogāina auunaga-(1)** O le a fitoitonu i le tagata o faaaogāina auunaga le siakiina o pepa e totogi ai tupe taitasi ua tuuina atu i le tagata o faaaogāina auunaga ma faamaonia faamatalaga ua faamauina i luga o le pepa e totogi ai tupe.

(2) E mafai e se tagata o faaaogāina auunaga o ia lea ua tuuina atu i ai se pepa e totogi ai tupe, e ala i le polokalame e pei ona faasinomia i totonu o le tulafono faatonutonu 13(2)(g), ona ia faamaonia e faapea o faamatalaga tau tupe ua maea ona faamauina i luga o le pepa e totogi ai tupe lea ua taulimaina e le polokalame faakomepiuta a le IRS.

(3) E ao i se tagata o faaaogāina auaunaga ona lipoti atu mataupu nei i le Komesina i se taimi vave e mafai ai ona faatino i le tuanai ai ona tupu:

- (a) e faapea e le i tuuina atu i se tagata o faaaogāina auaunaga se pepa e totogi ai tupe mo se feuiaiga faapisinisi;
- (b) e faapea o faamatalaga tau tupe ua lomua i luga o se pepa e totogi ai tupe ua tuuina atu i le tagata o faaaogāina auaunaga e le o se faamaumauga sa'otoatoa o se feuiaiga faapisinisi na tuuina atu i ai;
- (c) e faapea ua lē mafai e le tagata o faaaogāina auaunaga ona faamaonia, e ala i le polokalame e pei ona taua i totonu o le tulafono faatonutonu 13(2)(g), pe ua maua e le polokalame faakomepiuta a le IRS faamatalaga tau tupe ua faamauina i luga o se pepa e totogi ai tupe ua tuuina atu i le tagata o faaaogāina auaunaga.

(4) O se tagata o faaaogāina auaunaga, o ia lea ua agavaa ina ia faia faapea, e mafai ona ia auai atu i se polokalame mo tau taualoa o tulaga tausisia e tagata o faaaogāina auaunaga.

(5) Afai e taina e se tagata o faaaogāina auaunaga i totonu o se feuiaiga faapisinisi e faapea o le va o se pisinisi i le isi pisinisi po o se feuiaiga faapisinisi a le pisinisi ma le Malo ma ua talosagaina ai e le tagata totogi lafoga o faagaioia le pisinisi le tagata o faaaogāina auaunaga ina ia tuuina atu lana TIN, e ao i le tagata o faaaogāina auaunaga ona tuuina atu le TIN i le tagata totogi lafoga ina ia mafai ona taina i totonu o le POS a le tagata totogi lafoga e avea ma vaega o faamatalaga faamauina o le feuiaiga faapisinisi mo lea feuiaiga faapisinisi.

#### **VAEGA 4** **AIAIGA ESEESE**

##### *Vaevaega 1 - Taiala ma tulafono*

**21. Faasinomaga i Taiala** - O Taiala ua faasinomia i tulafono faatonutonu nei ua faatulaga atu i totonu o Faamatalaga e faapea:



- (a) Taiala Faapitoa mo POS ua faamaonia aloaia e pei ona faatulaga atu i totonu o le Faamatalaga 1;
- (b) Taiala Faapitoa mo E-SDC ua faamaonia aloaia e pei ona faatulaga atu i totonu o le Faamatalaga 2;
- (c) Taiala Faapitoa mo Auala e Faaaogāina ua faamaonia aloaia e pei ona faatulaga atu i totonu o le Faamatalaga 3.

**22. Tulafono mo fesootaiga ma le fetufaaiga o faamatalaga i le va o le masini EFD ma le polokalame faakomepiuta a le Ofisa o Tupe Maua a le Atunuu-**(1) E ao i le Komesina ona faavae ma faatumauina tulafono e faamautinoa ai e faapea:

- (a) ua maea ona tuufaatasia vaega mautu o le EFD ma le polokalame faakomepiuta a le IRS; ma
- (b) faapea foi ona faavaeina fesootaiga ma le fefaasoaiga o faamatalaga faamauina o EFD ma le polokalame faakomepiuta a le IRS i se faiga e faapea ua malupuipua faamatalaga agatapuia, tulaga faamaoni, o uluai faamatalaga ma e sa’o atoatoa ma mautu.

(2) E ao i le Komesina ona lomua faasalalau tulafono taitasi i luga o le tuatusi faakomepiuta a le Matagaluega i se faatulagaga e mafai ai e se tagata ona faia se ata o le tulafono.

(3) E lē aloaia se tulafono seia vagana ua avanoa mo tagata lautele i lalo o le tulafono faatonutonu laitiiti (2).

*Vaevaega 2 - Soligatulafono ma faasalaga*

**23. E ao i le tagata o faaooina atu oloa ma auaunaga ona tausisia le tulafono faatonutonu 15-**(1) O se tagata o tuuina atu oloa ma auaunaga o ia lea ua ia solia le tulafono 15, ua ia faia se soligatulafono ma e noatia i luga o se moliaga ua faamaonia faaletulafono:

- (a) i se sala tupe e lē sili atu i le -
  - (i) 50 iunite tau faasalaga pe afai o le aofaiga atoa o tupe maua faale tausaga a le pisinisi a le tagata o tuuina atu oloa ma auaunaga e itiiti ifo na i lo le \$130, 000;

(ii) 7 iunite tau faasalaga pe afai o le aofaiga atoa o tupe maua faaletausaga a le pisinisi a le tagata o tuuina atu oloa ma auunaga e sili atu i le \$130,000 ae peitai e itiiti ifo na i le \$1,000,000; po o

(iii) le 100 iunite tau faasalaga pe afai o le aofaiga atoa o tupe maua faaletausaga o le pisinisi a le tagata o tuuina atu oloa ma auunaga e \$1,000,000 pe sili atu foi; po o

(b) le nofosala i le falepuipui mo se vaitaimi e lē silia le 24 masina; po o

(c) faasalaga uma e lua o le sala tupe ma le nofosala i le falepuipui.

(2) Afai o se tagata o tuuina atu oloa ma auunaga i lalo o le tulafono faatonutonu laitiiti (1) o se kamupani, e noatia foi faatonu taitasi uma o le kamupani i luga o moliaga ua faamaonia faaetulafono e nofosala i le falepuipui mo se vaitaimi e lē silia ma le 24 masina.

**24. E ao i le tagata totogi lafoga ona tausisia le tulafono faatonutonu 19-**(1) O se tagata totogi lafoga o ia lea ua ia solia le tulafono faatonutonu 19, ua ia faia se soligatulafono ma e noatia i luga o moliaga ua faamaonia faaetulafono:

(a) i se sala tupe e lē sili atu nai le -

(i) 50 iunite tau faasalaga pe afai o le aofaiga atoa o tupe maua faaletausaga a le pisinisi a le tagata totogi lafoga e itiiti ifo na i lo le \$500,000;

(ii) 70 iunite tau faasalaga pe afai o le aofaiga atoa faaletausaga o tupe a le pisinisi a le tagata totogi Lafoga e \$500,000 po o le sili atu i lo le \$1,500,000; po o

(iii) le 100 iunite tau faasalaga pe afai o le aofaiga atoa o tupe maua faaletausaga a le pisinisi a le tagata totogi lafoga e \$1,500,000 po o le sili atu; po o

(b) le nofosala i le falepuipui mo se vaitaimi e lē silia le 24 masina; po o

(c) faasalaga uma e lua o le sala tupe po o le nofosala i le falepuipui.

(2) Afai o se tagata totogi lafoga i lalo o le tulafono faatonutonu laitiiti (1) o se kamupani, e noatia foi faatonu taitoatasi uma o le kamupani i luga o moliaga ua faamaonia faaetulafono e nofosala i le falepuipui mo se vaitaimi e lē silia atu le 24 masina.

### **25. Soligatulafono mo le lē faamaoni ma amioga tau faasee-**

(1) Ua faia e se tagata se soligatulafono pe afai ua faagaoioia e lea tagata se EFD ua faapipiina ma faatino i totonu o se pisinisi a se tagata totogi lafoga, po o se vaega o le EFD, i se faiga e ono faatulai mai ai lea tagata:

(a) le faamauina i totonu o se POS ni faamatalaga sese; po o

(b) le faaleagaina, suia po o le faasecina o faamatalaga ua faaliliuina atu po o ua taulimaina, faamauina, iloiloaina, faatulagaina po o le teuina e le EFD po o se vaega o le EFD; po o

(c) ua mafua mai ai ona faaletonu po o le taofia ai o le faagaoioiga o se EFD po o se vaega o le EFD; po o

(d) ua mafua ai i le EFD po o se vaega o le EFD ona -

(i) faaliliu atu ni faamatalaga tau tupe lē sa'o ma sese; po o

(ii) ua faagaoioia i se faiga e ono tulai mai ai le alofia e le tagata totogi lafoga le totogiina o ana lafoga.

(2) O se tagata o ia lea ua ia faia se soligatulafono i lalo o le tulafono faatonutonu laitiiti (1) e noatia i luga o se moliaga ua faamaonia faaetulafono:

(a) i se sala tupe e lē silia le 100 iunite tau faasalaga;

(b) e nofosala i le falepuipui mo se vaitaimi e lē silia le 24 masina; po o

(c) faasalaga uma e lua o le sala tupe ma le nofosala i le falepuipui.

*Vaevaega 3 - Aiaiga Eseese*

**26. Lomia faasalalau o tuutuuga ma tualumaga mo le iloiloga o le polokalame faakomepiuta a le Ofisa o Lafoga ina ia faamaonia ai risiti, ma le sa’o atoatoa o faamaumaga tau tupe** - E ao i le Komesina ona:

- (a) faatulaga i se faiga e ogatasi ma taiala le polokalame ua taua i lalo o le tulafono laitiiti 13(2)(g); ma
- (b) e mafai ona lomia faasalalauina aiaiga ma tualumaga mo le avanoa ai i le polokalame.

**27. Polokalame o tau taualoa o tulaga tausisia mo tagata o faaaogāina auunaga** - (1) E mafai e le Komesina ona faatautaia se polokalame o tau taualoa o tulaga tausisia mo tagata o faaaogāina auunaga e aofia ai pepa e totogi ai tupe o taaloga lotto.

(2) O tualumaga ma taiala faataatitia mo le auai atu i le polokalame o tau taualoa o tulaga tausisia mo tagata o faaaogāina auunaga o lo o ua faamaoti atu i se faiga tusitusia e le Komesina ma faalauiloa faalauaitele i luga o nofoaga o le pisinisi lea o lo o avea ma vaega o le polokalame.

**28. Sueina faasuetusi ma iloiloga** - E ao i le Komesina ona faatautaia le sueina faasuetusi ma iloiloga i laasaga eseese e mautinoa ai o lo o tausisia e tagata totogi lafoga nei tulafono faatonutonu, e aofia ai:

- (a) le siakiina po o tuuina atu e le tagata totogi lafoga pepa aloaia e totogi ai tupe;
- (b) le siakiina pe ua faamaonia aloaia le masini POS ma le E-SDC mo le pisinisi a le tagata totogi lafoga;
- (c) le siakiina po o tausisia e le EFD Taiala;
- (d) le siakiina o le faagaoioiga o tulafono; ma
- (e) manaomia ai tagata totogi lafoga ina ia tuuina atu faamatalaga talafeagai ma pepa aloaia e pei ona talafeagai ai.

**29. Faamalositia o le Tausisia**-(1) I totonu o leni tulafono faatonutonu:

“EFD” o lona uiga o se EFD lea ua faamaonia aloaia mo POS ma E-SDC taitasi;

“faalapotopotoga o pisinisi” o lona uiga o se faalapotopotoga o pisinisi ua faamaoti atu e le Komesina e ala i se faasilasilaga ua lomua faasalalau i luga o le tuatusi faakomepiuta a le Matagaluega; ma

“taimi ua faamaotiina e le Komesina e tusa ai o se faalapotopotoga o pisinisi” o lona uiga o le umi o se vaitaimi ua faamaotiina e le Komesina, e ala i se faasilasilaga ua lomua faasalalau i luga o le tuatusi faakomepiuta a le Matagaluega, lea e ao i se tagata totogi lafoga, o ia lea o se sui o le faalapotopotoga o pisinisi, ona faagaioia ai se EFD mo le pisinisi.

(2) E tataua o le i oo i le taimi e muta ai le taimi ua faamaoti mai e le Komesina i lalo o le tulafono faatonutonu laitiiti (1) e tusa ai o se faalapotopotoga o ni pisinisi, ona i ai se EFD ua faapipiina, faatino ma faagaioi mo pisinisi taitasi i totonu o le faalapotopotoga.

(3) O se tagata totogi lafoga o ia lea o lo o faagaioia se pisinisi, o se tasi o faalapotopotoga o pisinisi uafilifilia i lalo o le tulafono faatonutonu laitiiti (2), ua ia faia se soligatulafono pe afai ua ia lē mafai ona ia faapipiina, faatino ma faagaioia se EFD mo le pisinisi a o lumanai ai muta le vaitaimi ua faamaoti atu e le Komesina e tusa ai ma le faalapotopotoga o pisinisi.

(4) O se tagata totogi lafoga o ia lea ua ia faia se soligatulafono faasaga i le tulafono faatonutonu laitiiti (3), e noatia o ia i luga o se moliaga ua faamaonia faaletulafono:

(a) i se sala tupe e lē sili atu i lo le -

(i) 50 iunite tau faasalaga pe afai o le aofaiga atoa o tupe maua faaletausaga o le pisinisi a se tagata totogi lafoga e sili i le \$130,000;

(ii) 70 iunite tau faasalaga pe afai o le aofaiga atoa o tupe maua faaletausaga o le pisinisi a le tagata totogi lafoga e sili atu i le \$130,000 ae peitai e itiiti ifo na i le \$1,000,000; po o

30 *Tulafono Faatonutonu o le Faafoega o Lafoga* 2022/2  
(*Polokalame Faaletoroni e Mataitu ai Faamatalaga*  
*o Oloa Faatau mo Lafoga*) 2020

(iii) e 100 iunite tau faasalaga pe afai o le aofaiga atoa o tupe maua faaletausaga o le pisinisi a le tagata totogi lafoga e \$1,000,000 po o le sili atu foi;

(b) e nofosala i le falepuipui mo se vaitaimi e lē sili atu i lo le 12 masina; po o

(c) faasalaga uma e lua o se sala tupe po o le nofosala i le falepuipui.

(5) Afai o se tagata totogi lafoga i lalo o le tulafono faatonutonu laitiiti (4) o se kamupani, e noatia faatonu taitasi uma o le kamupani e i luga o moliaga ua faamaonia faaletulafono i le nofosala i le falepuipui mo se vaitaimi e lē silia le 24 masina.

**30. Tapunia lē tumau o pisinisi** -(1) Afai ua lē mafai e se tagata totogi lafoga ona tausisia noataga i lalo o nei Tulafono Faatonutonu, e ao i le Komesina, po o se tagata ofisa o lafoga ua faatagaina e le Komesina e ala i se faiga tusitusiga mo le faamoemoe o lenei tulafono faatonutonu ona faailoa muamua i le tagata totogi lafoga, po o le tagata o tuuina atu oloa ma auaunaga e ala i se faiga tusitusia le faamoemoe o le tapunia ai o se vaega po o le pisinisi atoa a le tagata totogi lafoga po o le tagata o tuuina atu oloa ma auaunaga seia vagana ai ua tausisia e le tagata totogi lafoga po o le tagata o tuuina atu oloa ma auaunaga noataga i lalo o lenei Tulafono Faatonutonu i totonu o le fitu (7) aso mai le aso na tuuina atu ai le faasilasilaga.

(2) Afai ua lē mafai e se tagata totogi lafoga po o se tagata o tuuina atu oloa ma auaunaga ona tausisia se faasilasilaga i lalo o le tulafono faatonutonu laitiiti (1), e ao i le Komesina po o se tagata ofisa faatagaina ona tuuina atu se poloaiga e tapunia ai le pisinisi po o se vaega o le pisinisi a lea tagata mo se vaitaimi e lē sili atu i le 14 aso.

(3) E mafai e le Komesina po o se tagata ofisa faatagaina, i so o se taimi, ona ulufale atu i so o se nofoaga ua faamatalaina i totonu o se poloaiga ua tuuina atu i lalo o le tulafono faatonutonu (2) mo le faamoemoe o le faataunuuina o le poloaiga ma e ono manaomia ai se leoleo ina ia iai faatasi a o faataunuuina le poloaiga.

(4) E ao i le Komesina po o se tagata ofisa faatagaina ona faapipii, i totonu o se vaega e iloagofie ai i luma o le nofoaga o le pisinisi po o se vaega o le pisinisi lea ua faapea ona tapunia i lalo o se poloaiga na tuuina atu i le tulafono faatonutonu laitiiti (2), se faasilasilaga e taua ai: “Tapunia lē tumau mo le lē Tausisia o Noataga e ala i le Poloaiga a le Komesina o Lafoga i lalo o le Tulafono Faatonutonu 30 o le Tulafono Faatonutonu o Faafoega o Lafoga (Polokalame Faaletoroni e Mataitu ai Faamatalaga o Oloa Faatau mo Lafoga) 2020.

(5) Afai ua tausisia e se tagata totogi lafoga po o se tagata o tuuina atu oloa ma auunaga noataga i totonu o le vaiaimi a o tapunia ai, e ao i le Komesina ona faatulaga i se taimi vave lava le aveesea ai o le faasilasilaga i lalo o le tulafono faatonutonu laitiiti (2).

**31. Faasalaga lautele tau pulega** -O se tagata o ia lea ua ia solia po o ua lē mafai foi ona ia tausisia so o se noataga i lalo o nei Tulafono Faatonutonu e le o taua i se i si lava mea, e noatia o ia i se sala tupe -

(i) mo le uluai soliga, o se sala tupe e lē silia ma le 10 iunite tau faasalaga;

(ii) mo le soliga lona lua ma faaauau ai pea, o se sala tupe e lē sili atu ma le 20 iunite tau faasalaga.

**32. Tuufaatasiga o Soligatulafono** - O le fuaiupu 80 o le Tulafono e faaaogāina faatasi ma suiga talafeagai pe afai ua faia e se tagata se soligatulafono i lalo o nei Tulafono Faatonutonu.

## **FAAMATALAGA 1**

### **Tulafono Faatonutonu 21(a)**

#### **TAIALA FAAPITOA MO PO O UA FAAMAONIA**

#### **FAASOLOGA O MATAUPU**

1. Faatomuaga
2. Faamatalaina o uiga o upu
3. Faatulagaga Maualuga ua Faataoto mo Polokalame Eseeese  
Faakomepiuta a le Ofisa o Lafoga
  - 3.1 Masini tau fesootaiga talaloa
  - 3.2 Vaaiga i fesootaiga faavaitaimi
4. Siosiomaga o Atinae o Polokalame Faatekonolosi
5. Taulimaina o Tusi Faamaonia o Faataitaiga
6. Faatulagaga o Faamatalaga Faamauina
7. Mataupu o faataitaiga
  - 7.1 Tuuina atu o pepa e totogi ai tupe mo Risiti Masani
    - 7.1.1 Laasaga
    - 7.1.2 Taunuuga Fuafuaina
  - 7.2 Tuuina atu o Pepa e Totogi ai Tupe mo Risiti o Tupe Toe Faafoi
    - 7.2.1 Laasaga
    - 7.2.2 Taunuuga Fuafuaina
  - 7.3 Tuuina atu o Pepa e Totogi ai Tupe mo se Reisiti e Fai Lona Ata
    - 7.3.1 Laasaga
    - 7.3.2 Taunuuga Fuafuaina
  - 7.4 Tuuina atu o Pepa e Totogi ai Tupe mo se Aoaoga po o Risiti e tuuina atu muamua ai oloa
    - 7.3.3 Laasaga
    - 7.3.4 Taunuuga Fuafuaina
  - 7.5 Tuuina atu o Pepa e Totogi ai Tupe mo Risiti Masani po o Tupe Toe Faafoi mo Feuiaiga Faapisinisi i le va o le isi pisinisi ma le isi



7.5.1 Laasaga

7.5.2 Taunuuga Fuafuaina

## **1. Faatomuaga**

E tatau i POS taitasi uma ua faamaonia ona mafai na fesootai i se E-SDC po o le V-SDC ma tuuina atu se pepa e totogi ai tupe. O POS ua faamaonia ua saunia mo faatulagaga ua fuafuaina e faaaogā ai tulaga faataatitia o fesootaiga eseese e fesootai atu ai i isi polokalame faakomepiuta, po o masini mo le taliaina lautele i se tau maualalo ma le tufaatasia aua lona taua i le faaleleiga atili o lafoga. O le IRS o le a nafa ma le tuuina atu o faatonuga auiliili mo le tuufaatasiga mo tagata fai oloa ma tagata e nafa ma polokalame faakomepiuta (tagata e tuuina atu oloa ma auaunaga)

O lenei Taiala o se taiala faapitoa mo le faagaoioga o POS ua uma ona faamaonia ma tuufaatasia ma le auaunaga o le E-SDC po o le V-SDC. O lenei foi taiala ua faataoto atu ai tulaga faataatitia o le a mafai ai ona tuufaatasia POS faamaonia ma le V-SDC lea o se vaega o le polokalame faakomepiuta o le IRS.

## **2. Faamatalaina o uiga o upu**


I totonu o lenei Taiala -

“ERP” o lona uiga o le polokalame faakomepiuta ua fuafuaina mo pisinisi lea e mafai ai le tuufaatasia o le POS ma isi polokalame auala e faatinoina lea e se tagata totogi lafoga e pei o le auala faatausitusi.

“numera faailoilo o le QR” o lona uiga o se faailoilo e vave ma faigofie ona faitau faatasi ma se masini faitau fuainumera; ma

“URL mo le faamaoniga” o lona uiga o le tuatusi tau faakomepiuta lea e faaaogā e faamaonia ai se pepa e totogi ai tupe.

**3. Faatulagaga Mauuluga ua Faataoto mo Polokalame Eeseese Faakomepiuta a le Ofisa o Lafoga**



O lenei Taiala o lo o faamatalaina ai manaoga mauuluga mo se POS e fesootaiga ma polokalame eeseese uma o i ai.

**3.1 Masini tau fesootaiga talaloga:**

O se faamatalaga faigofie o le polokalame faakomepiuta (mo le au totogi lafoga) e saunia risiti, e fuafuaina lafoga ma fesootai atu i le V-SDC e faamaonia pepa o lafoga o oloa tau tupe. O le V-SDC e faamaonia le valaau (faamaonia tusi faamaonia e faaaogā ai fuainumera a le tagata totogi lafoga), faatino le faamaoniga muamua, fuafuaina lafoga, sainia risiti ma tali atu i tagata totogi lafoga.

O se tali atu e aofia ai saina e faaaogā ai fuainumera o le risiti po o faamatalaga o tupe e totogi, le risiti po o pepa totogi o faamatalaga tutotonu o lo o i ai se feau i faailoga faalilolilo i le IRS, pepa faamaonia e faaaogā ai fuainumera, faamatalaga tusitusia o pepa e totogi ai tupe ma faamaoniga o le URL.

E tatau i le tagata totogi lafoga ona ia faia le numera faalilolilo mai faamaoniga o le URL, ma lolomi faamatalaga tusitusia o pepa e totogi ai tupe ma numera faalilolilo o QR. Afai ua tuuina atu pepa e totogi ai tupe i se faiga faaeletoroni, e tatau ona tuuina atu faamaoniga e le URL e mafai ona oomi gofie e fesootai i le imeli po o tuatusi faakomepiuta.

*Itu Lelei*

1. E lē manaomia ai ni masini faatekonolosi faapitoa.
2. E mafai ona faagaoioi POS ua faamaonia aloaia e aveia ma polokalame i luga o telefoni feaveai.
3. E mafai e ERPs ona vave soo faatasi.
4. E faaitiitia ai le tau o le faaliliuina i tupe

*Itu Faalelei*

1. E manaomia fesootaiga faainitaneti e mafai ai ona tuuina atu pepa e totogi ai tupe.

3.2 Vaaiga i fesootaiga faavaitaimi:

Ua fuafuaina polokalame o fesootaiga faavaitaimi i E-SDC ina ia maua ai risiti tau tupe pe afai ua motusia fesootaiga tau initaneti mo vaitaimi pupuu pe uumi foi. O le tele o E-SDC e mafai ona fuafua ina ia faaaogā tusa pe e le o ola le initaneti.

O le faamaonia ai o se risiti i fesootaiga faavaitaimi po o fesootaiga ua motusia, e maua e le ESDC se risiti mai le POS faamaonia, saunia ai loa mo le sainia ma tuuina atu i le vaega mautu (ua faatino e aveia ma pepa malo o i ai uma faamaoniga tau fuainumera ma applet faapitoa). O vaega mautu e toe faafoia atu saina ma faamatalaga faalotoifale i le E-SDC, e faapoopo atu e E-SDC faamatalaga (metadata) ma faia faamatalaga o feau feaveai faaelevatoroni o se pepa e totogi ai tupe ma faafoi atu i le POS faamaoni.

E pei lava foi o le vaaiga i fesootaiga, o le tali e tuuina atu e aofia ai le saina e faaaogā ai fuainumera o le risiti po o le faamatalaga o le pepa e totogi ai tupe, vaega o faamatalaga faalotoifale o aofia ai se feau i ni faailoga faalilolilo i le pulega o lafoga, tusa faamaonia i metadata i fuainumera, faamatalaga o pepa e totogi ai tupe ma le faamaoniga i URL.

E faia lava e le tagata totogi lafoga le numera faalilolilo o le QR mai faamaoniga a le URL, ma lomua faamatalaga o tupe totogi o lafoga ma numera faalilolilo o QR. Afai e tuuina atu nei pepa o tupe totogi i faiga faaelevatoroni, e tatau ona tuuina atu faamaoniga URL i se faiga e mafai ona “oomi” i i-meli po o tuatusi faakomepiuta.

36 *Tulafono Faatonutonu o le Faafoega o Lafoga* 2022/2  
(*Polokalame Faaeletoroni e Mataitu ai Faamatalaga*  
*o Oloa Faatau mo Lafoga*) 2020

O le a mafai i lea lava taimi e le E-SDC ona faagaioi faamatalaga faasuetusi ma tuuina atu i le polokalame faakomepiuta a le IRS pe a oo i le taimi e ola ai le initaneti pe faatino foi i le faiga muamua na i ai, e faaaogā ai pepa SD po o faiga faatekonolosi o USB.

*Itu Lelei*

1. Galuega e faatino e aunoa ma ni fesootaiga faainitaneti.

*Itu lē Lelei*

1. E manaomia polokalame faapitoa faakomepiuta.
2. E faigofie ona faaleagaina.
3. E manaomia upega tafailagi e faaleleia ai

**4. Siosiomaga o Atinae o Polokalame Faatekonolosi**

O le a faatulaga e le Polokalame faakomepiuta a le IRS ma faatino auala e avanoa ai i tagata uma o i ai POS ma vaega o E-SDC. E ao foi i le Siosiomaga o Atinae o Polokalame faatekonolosi ona faailoa atu itu uma o polokalame lava nei ma Tulafono e avea ma siosiomaga tau galuega ma ona taunuuga.

**5. Taulimaina o Tusi Faamaonia o Faataitaiga:**

So o se tasi ua faamauina e avea ma tagata o faagaioioia polokalame faakomepiuta o se POS faamaonia i luga o le tuatusi faakomepiuta a le Matagaluega, e tatau ona ia mauaina se aofai o tusi faamaonia o faataitaiga, faamatalaga faapitoa ma le taiala mo tgata e faaaogāina. O nei tusi faamaonia e tatau ona faigofie ai ona iloa i faataitaiga itu o lape e pei o taumafaiga ina ia maua se risiti o tupe totogi o i ai se tusi faamaonia ua muta lona vaitaimi e aoga ai.

**6. Faatulagaga o Faamatalaga Faamauina:**

E lua vaega o se pepa e totogi ai tupe. O le vaega muamua (Talosaga o Pepa e Totogi ai Tupe) e faatino e se POS faamaonia ma aofia ai le faamatalaga ua faamaoti atu i Tulafono Faatonutonu 12(2)(a), (b), (c), (d), (e), (f), (g), (Komesina), (i) ma le (j) ma isi faamatalaga o alamanuia o faamaoti atu. O le a tuuina atu loa le talosaga o pepa e totogi ai tupe i le POS faamaonia e ala i le faaaogāina o Tulafono mo fesootaiga i le V-SDC po o le E-SDC, e fuafua i faamatalaga faapitoa o le faatinoga o se polokalame o le POS faamaonia ma tagata ua atofaina e vaavaaia.

O le vaega lona lua (Pepa e totogi ai tupe e tali atu ai), e faia lea e le V-SDC po o E-SDC i le maea ai ona faamaonia faamatalaga. O le tali atu o le a aofia ai le faamatalaga ua faamaoti atu i le Tulafono faatonutonu 12(2)(k), (l), (m), (n), ma le (o). E toe faafoi atu e le V-SDC po o le E-SDC faamatalaga e tali atu ai i le POS faamaonia. O faamatalaga e tali atu ai o se vaega tutotonu lea o se pepa e totogi ai tupe, ma e lē mafai i se risiti ona avea ma pepa e totogi ai tupe e aunoa ma lea tulaga.

## **7. Mataupu o faataitaiga:**

### **7.1 Tuuina atu o Pepa e totogi ai tupe mo se Risiti Masani.**

E ao i se risiti ma se pepa e totogi ai tupe ona aofia ai ni faailoga e ilogofie e faailoa ai le ituaiga risiti “MASANI”

#### **7.1.1 *Laasaga:***

E filifili e le tali tupe o le POS faamaonia le ituaiga Risiti MASANI, ma faamau le faatauga e ala: i le taina i lalo o meataitasi, filifili meataitasi mai lisi na uluai fai po o le suesueina e ala i le faaaogāina o fuainumera faalilolilo e faitau ai (barcodere). I lona taunuuga, e filifili e le tali tupe le auala e totogi ai ma faauma le faatinoga o le risiti.

E auina atu e le POS faamaonia le feau faaeletoroni i le V-SDC po o le E-SDC.

I le maea ai o le faamaoniga o faamatalaga faamaumau tonu o pepa e totogi ai tupe, ona sainia lea o le risiti e faaaogāina ai fuainumera, ma faapea ona tuulata mai le aofai ma faamaea faamatalaga faamaumauina faalotoifale.

E toe auina atu e le V-SDS po o le E-SDC le tali e ala i le pepa e totogi ai tupe i se POS faamaonia.

O le a tuuina atu loa le pepa e totogi ai tupe i le tagata o faaaogāina auunaga.

#### **7.1.2 *Taunuuga Fuafuaina:***

O le pepa e totogi ai tupe o le taunuuga mausali lea o lenei faagasologa ma e mafai ona lolomiina po o le auina atu e ala i SMS po o feau faaeletoroni i i-meli pe afai e talosagaina e le tagata o faaaogāina le auunaga.

O se risiti masani e sainia e ala i le faaaogāina o fuainumera. O faamaumauga faalotoifale e teuina i le nofoaga autu o faamatalaga i le polokalame faakomepiuta a le IRS. E faailoa atu faamaumauga faalotoifale i le maea ai ona faatino le pepa e totogi ai tupe i le tino mai o se QR faalilolilo. O le numera o le pepa e totogi ai tupe e i le tino mai o le pepa faatumu 5/7NS (e 5 fuainumera o risiti masani/e 7-le aofai o fuainumera o risiti e tuuina atu e le E-SDC po o le V-SDC, NS- fuafuaina o risiti masani).

## 7.2 Tuuina atu o Pepa e Totogi ai Tupe mo Risiti o Tupe Toe Faafoi.

E ao i se risiti ma se pepa e totogi ai tupe ona aofia ai faailoga e iloagofie ai e faailoa ai le upu “Tupe Toe Faafoi”. O le aofaiga i luga o Risiti o tupe toe faafoi ma pepa e totogi ai tupe e tatau ona aunoa ma se fuainumera, e amata i le “-“.

### 7.2.1 *Laasaga:*

E filifili e se tali tupe o i se POS faamaonia le ituaiga risiti o tupe toe faafoi, faamauina faatauga e ala i le taina i lalo o meataitasi, filifili meataitasi mai lisi muamua po o le suesueina e ala i le faaagaoiaina o faailoga faalilolilo e faitau ai. I le taunuuga, e filifili e le tali tupe le auala e totogi ai ma faamaea le risiti.

E auina atu e le POS faamaonia se feau faaeletoroni i le V-SDC po o le E-SDC. I le maea ai o le faamaonia o faamatalaga moni o tupe totogi, e sainia se risiti e ala i le faaaogāina o fuainumera, e tuulata mai le faasologa sao o aofaiga ma maea ai faamatalaga faalotoifale.

E auina atu e le V-SDS po o le E-SDC se pepa e totogi ai tupe e tali atu i se POS faamaonia.

O le a faapea ona tuuina atu loa le pepa e totogi ai tupe i le tagata o faaaogāina le auaunaga.

### 7.2.2 *Taunuuga Fuafuaina:*

O se pepa e totogi ai tupe o le taunuuga mausali lea o lenei taualumaga ma e mafai ona lolomiina po o le auina atu e ala i SMS po o feau faatekonolosi i imeli pe afai e talosagaina e le tagata o faaaogāina auaunaga. O risiti mo tupe toe faafoi e sainia e ala i fuainumera.

O faamaumauga faalotoifale e teuina i le nofoaga autu o faamaumauga i le polokalame faakomepiuta a le IRS. E i ai foi faamaumauga faalotoifale i le faaiuga o le pepa e totogi ai tupe i le foliga mai o se numera faalilolilo i se QR. O se numera faasolo o le pepa e totogi ai tupe e i le pepa faatumu 5/7NR (e 5 fuainumera o risiti masani mo tupe toe faafoi/7 – le aofaiga atoa o risiti e tuuina atu e le E-SDC po o le V-SDC, NR- le fuafuaina o risiti masani mo tupe toe faafoi).

### 7.3 Tuuina atu o Pepa e Totogi ai Tupe mo se Risiti e Fai Lona Ata:

E ao i risiti ma pepa e totogi ai tupe ona aofia ai faailoga e iloagofie ai e faailoa ai le ituaiga risiti “ATA”

#### 7.3.1 *Laasaga:*

- (a) E filifili e se talitupe o i se POS faamaonia ituaiga o ata o risiti. E faalagolago i le faatinoga o lea auala, e mafai e se POS faamaonia ona ofoina atu e filifili risiti ua maea ona tuuina atu muamua mai faamaumauga o lo o i totonu o le polokalame po o le toe maua mai o le numera o le risiti. I lona taunuuga, e filifili e le tali tupe le risiti ma tuuina atu lona ata.
- (b) E auina atu e le POS faamaonia se feau faaeletoroni i le V-SDC po o le E-SDC. I le maea faamaonia ai o faamaumauga o tupe moni, ona sainia lea o se risiti e faaaogā ai fuainumera, ma tuulata mai i le faasologa o i le faasologa o fuainumera.
- (c) E toe auina atu e le V-SDC po o le E-SDC se pepa e totogi ai tupe e tali atu ai i se POS faamaonia.
- (d) O le a tuuina atu loa se ata o le pepa e totogi ai tupe i le tagata o faaaogāina auunaga.

#### 7.3.2 *Taunuuga Fuafuaina:*

O le taunuuga mulimuli o se ata ua maea ona tuuina atu muamua o le pepa e totogi ai tupe o lenei taulumaga.

O se numera o le pepa e totogi ai tupe e i le pepa faatumu 1/9 CS – (1 – le numera o ata o risiti masani / - 9 – le aofai o risiti e tuuina atu e le E-SDC po o le V-SDC, CS-fuafuaina o ata o risiti masani).

7.4 Tuuina atu o Pepa e Totogi ai Tupe mo se Aoaoga po o Risiti e tuuina atu muamua ai oloa:

E ao i risiti ma pepa e totogi ai tupe ona aofia ai faailoga e iloagofie ai e faailoa ai le ituaiga risiti “Aoaoga” po o “OLOA TUUINA ATU MUAMUA”.

O risiti o aoaoga po o risiti o oloa e tuuina atu muamua ma pepa e totogi ai tupe e tuuina atu i le auala lava lea e pei o risiti ma sani ma pepa e totogi ai tupe, ae vagana ai e faapea e lē amanaia le aofaiga.

7.4.1 *Laasaga*

- (a) E filifili e se tali tupe i luga o se POS faamaonia Aoaoga po o ituaiga risiti e tuuina atu muamua, faamauina o faatauga e ala i le: taina o meataitasi, filifili meataitasi mai lisi ua maea ona fai po o le faitauina e faaaogāina ai fuainumera faalilolilo. I lona taunuuga, e filifili e le tali tupe le auala e totogi ai tupe ma faamaea le risiti.
- (b) E auina atu e se POS faamaonia se feau faaeletoroni i le V-SDC po o le E-SDC. I le maea ai o le faamaoniga o faamaumuga moni o tupe totogi, e saina loa le risiti e ala i fuainumera ma tuulata mai lona faanumeraina.
- (c) E toe auina atu e le VSDS po o le E-SDC se pepa e totogi ai tupe e tali atu i se POS faamaonia.
- (d) O le a tuuina atu loa se pepa e totogi ai tupe.

7.4.2 *Taunuuga Fuafuaina:*

O le taunuuga mulimuli o leni taulumaga o pepa e totogi ai tupe o aoaoga po o risiti o oloa e tuuina atu muamua. O le numera o se pepa e totogi ai tupe e i le foliga mai o se pepa faatumu 3/8TS (3-fuainumera o le risiti mo aoaoga po o risiti e tuuina atu muamua/8- le aofai atoa o risiti na tuuina atu e le E-SDC po o le V-SDC, TS – fuafuaina o risiti mo aoaoga po o risiti o loa e tuuina atu muamua).



**7.5 Tuuina atu o Pepa e Totogi ai Tupe mo Risiti Masani po o Tupe Toe Faafoi mo Feuiaiga Faapisinisi i le va o le isi pisinisi ma le isi.**

O se risiti ma se pepa e totogi ai tupe e ao ona aofia ai faailoga e iloagofie ai le ituaiga risiti “MASANI”, po o “TUPE TOE FAAFOI”

O risiti ma pepa e totogi ai tupe e ao ona aofia ai faamaumauga o tagata o faaaogāina auunaga a le pisinisi, igoa ma le TIN.

*7.5.1 Laasaga:*

- (a) E filifili e se tali tupe o i le POS faamaonia le ituaiga risiti, e fesiligia le tagata e faaaogāina le auunaga mo le TIN ma faamauina i totonu, e faamauina faatauga e ala i le taina o meataitasi, filifili meataitasi mai lisi ua maea ona fai muamua po o le suesueina e ala i le faaaogāina o se numera faalilolilo e faitauina ai. I lona taunuuga, e filifili e le tali tupe le auala e totogi ai ma faamaea le risiti;
- (b) E auina atu e le POS faamaonia le feau faaeletoroni i le V-SDC po o le E-SDC. I le maea ai ona faamaonia faamatalaga moni o pepa e totogi tupe, e sainia se risiti e faaaogāina ai fuainumera, tuulata mai ata lolomi ma aofaiga ma faamaea faamaumauga faalotoifale;
- (c) E toe auina atu e le VSDS po o le E-SDC se tali e ala i se pepa e totogi ai tupe i se POS faamaonia;
- (d) O le a faapea ona tuuina atu loa se pepa e totogi ai tupe, i le tagata o faaaogāina le auunaga.

*7.5.2 Taunuuga Fuafuaina:*

O le taunuuga mulimuli o lenei tualumaga o se pepa e totogi ai tupe, ma e mafai ona lolomiina po o le auina atu e ala i SMS po o le imeli pe afai e talosagaina e le tagata o faaaogāina le auunaga. O risiti masani po o risiti mo tupe toe faafoi e saunia e ala i le faaaogāina o fuainumera. O faamaumauga faalotoifale e teuina i le nofoaga autu e teuina ai

42 *Tulafono Faatonutonu o le Faafoga o Lafoga* 2022/2  
*(Polokalame Faaletoroni e Mataitu ai Faamatalaga*  
*o Oloa Faatau mo Lafoga) 2020*

faamaumauga o le polokalame faakomepiuta a le IRS. E faalia faamaumauga faalotoifale i le pito i lalo o le pepa e totogi ai tupe i le foliga mai o se numera faalilolilo QR. O le faasologa o le numera o se risiti e i le pepa faatumu 5/7NS po o le fuainumera NR o risiti masani mo tupe toe faafoi/7 – aofaiga atoa o risiti e tuuina atu e ala i E-SDC po o V-SDC, NS po o NR – fuafuaina o risiti masani po o risiti masani o tupe toe faafoi).

**FAAMATALAGA 2**  
(Tulafono Faatonutonu 21(b))

**TAIALA FAAPITOA MO E-SDCs FAAMAONIA**

**FAASOLOGA O MATAUPU**

1. Faatomuaga
2. EFDs
  - 2.1. POS faamaonia
  - 2.2. E-SDC
  - 2.3. Faatupeina o Risiti Masani
  - 2.4. O Faamaumauga Faasuetusi ua Lafoai ma o lo o Teuina i luga o le E-SDC ina ua Faaleagaina Elemenī Puipuia
  - 2.5. E faagasolo e le E-SDC Faatonuga na auina mai e le Polokalame Faakomepiuta a le IRS
    - 2.5.1. Faatonutonaina o le Uati o le E-SDC i luga o Initaneti
    - 2.5.2. Pepa Malo e Lokaina/Tatala
    - 2.5.3. Tuulata mai o Aofai Mauuluga Faatagaina o Pepa e Totogi ai Tupe
    - 2.5.4. Faaaogāina o Fua Faatatau Fou o Lafoga
  - 2.6. E-SDC
    - 2.6.1. E lē faaaogāina fesootaiga faainitaneti
    - 2.6.2. Faaaogā faavaitaimi o fesootaiga faainitaneti
  - 2.7. Faamaoniga o le moni atoatoa
3. Pepa Faamaonia faaeletoroni e fesoasoani ai i faamaumauga i luga o initaneti
  - 3.1. E tuuina atu e le Polokalame faakomepiuta a le IRS Elemenī Puipuia i le Tagata Totogi Lafoga
4. Pepa Faamaonia Faaletoroni e Faataitai ai
  - 4.1. O le mauaina o Pepa Faamaonia Faaletoroni mo faataitaiga
5. Pepa e Totogi ai tupe
  - 5.1. Tulaga ese e iloagofie ai Pepa e Totogi ai Tupe
  - 5.2. Elemenī
  - 5.3. Sainia
  - 5.4. Faamaumauga Faalotoifale
  - 5.5. Numera Tatala o le QR

44 *Tulafono Faatonutonu o le Faafoga o Lafoga* 2022/2  
(*Polokalame Faaletoroni e Mataitu ai Faamatalaga*  
*o Oloa Faatau mo Lafoga*) 2020

6. Sueina Faaletoroni o Tusi
  - 6.1. Faia o Faailoga Faailoilo o Faamatalaga Faasuetusi
  - 6.2. Faamaoniga o le Sueina o Tusi
  - 6.3. Faagasologa o le Sueina o Tusi
  - 6.4. Pepa Faaletoroni SD Card po o USB
  - 6.5. Sueina faaletoroni o tusi i fafo atu
  - 6.6. Sueina Faalotoifale o Tusi e Amataina e le Tagata Totogi Lafoga
  - 6.7. Tuuina atu o Faamatalaga i le Ofisa o le IRS
  - 6.8. Tuuina atu o Faamatalaga e ala i le Faaogāina o Polokalame o Tuatusi Faakomepiuta
  - 6.9. Faamaeaina o le Sueina o Tusi o lo o Faagasolo
  - 6.10. Sueina Faalotoifale o Tusi e Amataina e le IRS

**1. Faatomuaga**

O lenei Taiala o le taiala faapitoa lea mo le faatinoga o E-SDCs. O lenei Taiala ua faatulaga atu ai faiga faataatitia e faigofie ai ona tuufaatasia E-SDCs faamaonia ma le polokalame faakomepiuta a le IRS.

O le V-SDC o le tuatusi faakomepiuta ua lomina faasalalau ma tausia e le Komesina ma o lo o avea ma vaega totonugalemu o le Polokalame faakomepiuta a le IRS.

O le E-SDCs o se masini ua tuuina atu e se tagata aloaia e tuuina atu auaunaga. E ao i le E-SDC ona tausisia Tulafono.

**2. EFDs**

2.1. POS faamaonia

O se POS faamaonia e fitoitonu ma le tuuina atu o faamaumauga o feuaiga faapisinisi e taulimaina mai le E-SDC mo le faatupe na ma, mo le lolomiina o pepa e totogi ai tupe e taulimaina mai le SDC.

Afai ae toe faaolaina le E-SDC, e manaomia le tagata o faaogāina ina ia taina i totonu le numera tatala o le PIN ina ia faataga ai le E-SDC e avanoa i le elemeni puipuia.

2.2. E-SDC

O Manaoga Aupito Maualuga e faapea:

1. O le a faatoa sainia e le E-SDC se risiti pe afai ua sainia le risiti muamua i le tusi faamaonia lava lea faaletoroni vagana ai -

- o le galuega na gata mai ai o le sueina lea faalotoifale o tusi po o fafo atu foi e faaogāina ai faiga faaletoroni; po o

- e le o i ai ni faamaumauga i le E-SDC-e le i sainia ni risiti i lenei masina talu mai le amataga o le galuega o le sueina o tusi i faiga faaelevatoroni.
  - 2. O le a tuuina atu loa e le E-SDC faamaoniga o le sueina o tusi ia o le a amataina i le polokalame faakomepiuta a le IRS, i le elemeni puipuia ina ia toe faatulaga ai le aofai aupito maualuga o le pepa e totogi ai tupe i le 0 (zero) i le taimi lava lea e taulimaina ai e le E-SDC lea faamatalaga e fai ma tali atu i luga o le tuatusi faakomepiuta, e tusa ai ma le sueina o tusi i fafo atu po o, mai se pepa SD ina ne i sueina tusi faalotoifale.
  - 3. O le a faagasolo e le E-SDC faatonuga uma e maua mai le polokalame faakomepiuta a le IRS i se faiga faalausosoo. O nei faatonuga e ono aofia ai le toe faatonutonuina o le taimi, lokaina o le masini ma isi faapena.
  - 4. E lē tau teuina e le E-SDC faamaumauga faasuetusi ia ua tuuina atu i ai ma teu faalelei i le polokalame faakomepiuta a le IRS.
  - 5. E manaomia le E-SDC ina ia faia faailoga faalilolilo o faamaumauga faasuetusi ma teuina i le lotoifale i se faiga faalilolilo.
  - 6. E manaomia le E-SDC ina ia teuina faamaumauga faasuetusi i totonu o le lotoifale seia vagana ua taulimaina faamaoniga mai le Polokalame faakomepiuta a le IRS lea ua teu malu ai i totonu.
  - 7. E lē tatau i le E-SDC ona teuina le elemeni puipuia o le numera faalilolilo o le PIN vagana le i ai i totonu o faamaumauga faaelevatoroni o lo o faaaogāina. O le taimi lava e toe faaolaina ai le E-SDC, o le a manaomia loa le tali tupe ina ia toe taina i totonu le numera faalilolilo o le PIN.
- 2.3. Faatupeina o Risiti Masani
- O le faagasologa e faapea:
1. e faia e le POS faamaonia se risiti;
  2. e auina atu e le POS faamaonia le risiti ma faamaumauga taiala i le E-SDC;
  3. e faamaonia e le E-SDC le faatulagaga o le risiti;
  4. e faamaonia e le E-SDC po o sao atoatoa le fua faatatauina o le lafoga e faavae i luga o fua faatatau o lafoga ua faatulagaina;

46 *Tulafono Faatonutonu o le Faafuaga o Lafoga* 2022/2  
(*Polokalame Faaletoroni e Mataitu ai Faamatalaga*  
*o Oloa Faatau mo Lafoga*) 2020

5. e auina atu e le E-SDC le risiti i le elemeni puipuia mo le faatupeina e tuuina atu i ai le aso lea ma le taimi, faatasi ai ma le numerata tatala o le PIN /numera faalilolilo o tusi faamaonia faaeletoroni;
  6. e faamaonia e le elemeni puipuia pe afai ua sao atoatoa aofaiga o fuainumera;
  7. e fuafaatatauina e le elemeni puipuia faamaumauga faalotoifale ma faia faailoga faalilolilo i le i ai faatasi ma le ki faalauaitele o le Polokalame a le IRS;
  8. e sainia e le elemeni puipuia le risiti;
  9. e tuuina atu e le E-SDC le faila faaeletoroni o faamaumauga;
  10. e teuina e le E-SDC le risiti faatasi ma le saina ma le faila faaeletoroni o faamaumauga i se polokalame faaeletoroni tusitusia, faia se ki ma faailoga faalilolilo o se polokalame tusitusia e faaogaina ai se ki faalilolilo e faitauina ai se feau faaeletoroni. E faia e le E-SDC faailoga faailoilo o le ki e ala i le faaogā o le ki faalauaitele a le Polokalame faakomepiuta a le IRS ma faaopoopo atu i le polokalame o tusitusiga faaeletoroni ina ia mafai ai e le Polokalame a le IRS ona faitauina ma tatala lea ki, ma avanoa ai i tusitusiga faaeletoroni o i ai i le taimi lava lea e oo atu ai i totonu o le Polokalame faakomepiuta a le IRS.
- 2.4. O Faamaumauga Faasuetusi ua Lafoai ma o lo o Teuina i luga o le E-SDC ina ua Faaleagaina Elemeni Puipuia  
Afai ua faaleagaina elemeni puipuia ma ua le mafai ona toe maua mai faamaumauga mai le pepa e teu ai, ae peitai o lo o lelei ma ola pea le E-SDC, o le a mafai e le Polokalame a le IRS ona lafoai faamaumauga mai le masini E-SDC ma toe tuuina i luga faamaumauga faasuetusi e ala i le faaogaina o le polokalame klava lea e toe tuuina ai i luga faamaumauga faasuetusi na tuuina atu i ai e se tagata totogi lafoga.
- 2.5. E faagasolo e le E-SDC Faatonuga na auina mai e le Polokalame Faakomepiuta a le IRS  
O faatonuga o auala ia tau fesootaiga i le va o le Polokalame faakomepiuta a le IRS ma E-SDC e fesootai masani ai. E teuina faatonuga nei i le lisi faatalitali i luga o le masini server mo E-SDC faapitoa lava, ma toe auina atu i le E-SDC e avea ma vaega o le tali atu i le taimi lava lea e lipoti atu ai i le Polokalame faakomepiuta a le IRS e faaogaina ai le ki e faatonutonu ai po o le sueina faalotoifale o tusi.

Masini Autu o Taimi URL	O le a tuulata mai e le E-SDC le URL (Masini Autu o Taimi) o lo o faaaogāina e faatonutonu ai le uati faalotoifale ia ogatasi lelei.
Fua faatatau o Lafoga	O le a tuulata mai e le E-SDC fua faatatau o lafoga ma siaki pepa fou e totogi ai tupe agai i ia fua faatatau o lafoga mai aso na faamamaluina ai
Lolomiina o feau faaeletoroni	O le a lolomi e le E-SDC lenei feau faaeletoroni i le faasologa sao ma fesootai atu le POS faamaonia i le masini
Faamaoniga o le sueina o tusi	O le faamaoniga o le sueina o tusi e faaliliu faaeletoroni atu i le elemeni puipuia ina ia tatala ai le saina, po o le tuulata mai ai o le aofaiga maualuga o tupe faatagaina o le pepa e totogi ai tupe o i ai
Masini e loka ai	E auina atu le faatonuga e agai atu i le elemeni puipuia
Masini e tatala ai	E auina atu le faatonuga e agai i le elemeni puipuia
Tulaga o i ai nei le elemeni puipuia	E na te toe faafoiina atu faamaumauga faalotoifale o i ai i le taimi nei o pepa e totogi ai tupe i le Polokalame faakomepiuta a le IRS, ma faapena foi ma le aso ma le taimi i le E-SDC. E faatino ma toe faafoi atu faamaumauga i lea lava taimi i le Polokalame Faakomepiuta a le IRS.
Tuulata mai aofai aupito maualuga faatagaina o pepa e totogi ai tupe	Tuulata mai aofaiga aupito maualuga o pepa e totogi ai tupe ua faatagaina mo le elemeni puipuia faapitua – e faaaogā e faatapulaa ai le aofai atoa o pepa e totogi ai tupe tuuina atu i le va o vaitaimi e sueina ai tusi

- 2.5.1. Faatonutonuina o le Uati o le E-SDC i luga o Initaneti  
O le a siaki e le E-SDC le masini autu o le taimi ua faamaoti atu i le faatulagaga ma faatonutonu le uati faalotoifale ina ia ogatasi ai.
- 2.5.2. Pepa Malo e Lokaina/Tatala
1. O faatonuga e Loka/Tatala ai, e tuuina atu e le Polokalame faakomepiuta a le IRS ina ne i masalomia e le KOMESINA e faapea o lo o faia ni gaioiga faasolitulafono e le tagata totogi lafoga po o, ina ne i le ola le elemeni puipuia e mafua mai i ni aitalafu o i ai a le tagata o tuuina atu oloa ma auunaga.
  2. O mea o aofia ai i faatonuga e faamaonia mai e le elemeni puipuia ma faapena ona suia ai e tusa ai ma lea tulaga.
  3. Afai ua loka le elemeni puipuia, e le toe mafai ona sainia se risiti fou e le elemeni puipuia.
- 2.5.3. Tuulata mai o Aofai Maua luga Faatagaina o Pepa e Totogi ai Tupe
1. O le tapulaa o le aofai o le maua luga faatagaina o tupe i pepa e totogi ai tupe e faatulaga e le Polokalame faakomepiuta a le IRS i luga o le elemeni puipuia, a o faagasolo le faavasegaina i tagata taitoatasi mo se tagata totogi lafoga faapitoa, po o, a o faagasolo le faagaioiga pe afai i so o se mafuaaga e ao ona toe siitia lea tapulaa po ole faaititia foi e le IRS.
  2. O mea o aofia ai i le faatonuga faaeletoroni o le a faamaonia lea e le elemeni puipuia ma faapea ona suia le tapulaa i le tau aogā fou. O le taimi lava e faaogā ai le tau aogā fou o le a faamaonia ai loa pepa fou uma e totogi ai tupe e fuafua i le tapulaa fou. O le suia ai o leni tau aogā fou i luga o le polokalame o faatino ai e i ai aafiaga tutusa faatekonolosi lava ia.
- 2.5.4. Faaogāina o Fua Faatatau Fou o Lafoga  
E puipui e le E-SDC le fuafuaina o tupe o risiti o i ai fua faatatau lē aloaia o lafoga. E faapea foi ona teuina e le E-SDC fua faatatau o i ai nei ma fua faatatau fou uma o lafoga (faatasi ai ma aso na aloaia ai) i le polokalame o teuina ai faamaumaga.



2.6. E-SDC

O lenei parakalafa o lo o faamatala ai auiliiliga faapitoa o se E-SDC.

E mafai ona faagaoioi se E-SDC i - faagasologa nei:

2.6.1 E lē faaaogāina fesootaiga faainitaneti.

I le tulaga e le o faaaogāina fesootaiga faainitaneti, e sainia e le elemeni puipua se risiti ma teuina i totonu e le masini E-SDC i se faiga mautu lelei.

2.6.2 Faaaogā faavaitaimi o fesootaiga faainitaneti.

I le tulaga o faaaogā faavaitaimi fesootaiga faainitaneti, e sainia e le elemeni puipua se risiti ma o le a taumafai loa i lea taimi le masini E-SDC e fesootai atu i le Polokalame faakomepiuta a le IRS ma faatino loa le Sueina o tusi. Afai e le o maua se avanoa – i le Polokalame Faakomepiuta a le IRS, o le a faapea loa ona faaaogā e le E-SDC fesootaiga faavaitaimi faainitaneti.

2.7. Faamaoniga o le moni atoatoa:

O le faamaoniga o le moni atoatoa agai i le Polokalame faakomepiuta a le IRS e faatino lea e ala i le faaaogāina o tusi faamaonia faaelevatoroni a le tagata totogi lafoga.

**3. Pepa faamaonia faaelevatoroni e fesoasoani ai i faamaumauga i luga o initaneti:**

3.1. E tuuina atu e le Polokalame faakomepiuta a le IRS Elemeni Puipua i le Tagata Totogi Lafoga

1. E teuina pepa faamaonia faaelevatoroni a le tagata totogi Lafoga i luga o le elemeni puipua.
2. E teuina le elemeni puipua i luga o le pepa malo (smart card).
3. O le PIN po o le Numera Faailoilo e tatala ai o le a faia ma lomia i luga o le numera faailoilo e tuuina atu e le masini.
4. E faaoo atu ma le faaeteete le elemeni puipua ma le numera faailolilo o le PIN i le tagata totogi lafoga.

**4. Pepa Faamaonia Faaelevatoroni e Faataitai ai:**

- 4.1. O le mauaina o Pepa Faamaonia Faaelevatoroni mo faataitaiga  
O le a tuuina atu e le IRS le aofai manaomia o pepa faamaonia faaelevatoroni mo faataitaiga i tagata taitoatasi ua faamaonia e tuuina atu oloa ma auaunaga ma tagata totogi lafoga taitoatasi.

## **5. Pepa e Totogi ai Tupe:**

- 5.1. Tulaga ese e Iloagofie ai Pepa e Totogi ai Tupe  
O se pepa e totogi ai tupe e matua tulaga ese lona iloagofie faatasi ai ma le tuufaatasiga o fuainumera o risiti masani atoa ai ma le numera e iloagofie ai le elemeni puipuia.
- 5.2. Elemeni  
O lenei parakalafa o lo o faamatala manino ai uiga e manaomia e iloa ai mo le tuuina atu o se pepa e totogi ai tupe.  
E mafai ona aofia ai faamaumauga faaopoopo e pei ona manaomia e se alamanuia faapitoa.
1. E aofia i se pepa e totogi ai tupe vaega e lua e tuuina atu e se POS faamaonia ma tuufaatasi ma se elemeni puipuia.
  2. E auina atu e se POS faamaonia le faamatalaga ua faamaoti atu i Tulafono faatonutonu *12(2)(a), (b), (c), (d), (e), (J), (g), (Komesina), (i)* ma le *(j)* i le V-SDC po o le E-SDC.
  3. E toe faafoi atu e le V-SDC po o le E-SDC faamaumauga e tali atu i le POS lea o lo o aofia ai faamatalaga faaopoopo ua faamaoti atu i le tulafono faatonutonu *12(2)(k), (l), (m), (n)* ma le *(o)*.
- 5.3. Sainia:  
O le faatupeina o se risiti o se faagasologa lea o le faaaogāina o le saina e faia i fuainumera e le elemeni puipuia i luga o faamatalaga faaeletoroni o le risiti.
- 5.4. Faamaumauga Faalotoifale  
E aofia i faamaumauga faalotoifale faamatalaga tau tupe o lo o i faailoga faailoilo. E na o le polokalame a le IRS e mafai ona ia faitauina faamaumauga tusia faalotoifale.
- 5.5. Numera Tatala o le QR  
O le Numera Tatala o le QR o lo o aofia ai le URL o auaunaga faamaonia ua faaaogāina ai le moni atoatoa o le pepa e totogi ai tupe mo le faaaogāina e le tagata o ia faaaogāina auaunaga.

## **6. Sueina Faaletoroni o Tusi**

O faamaumauga faasuetusi o lo o faaalua ai pepa e totogi ai tupe ua faatulaga ma mafai ona faitauina ia e sainia i se ki patino i le tagata totogi lafoga ma sosoo ai ma faamaumauga tusitusia – faamatalaga o feau faaeletoroni o pepa e totogi ai tupe ua faia e se E-SDC.  
E teuina mea o aofia ai i faamatalaga o le sueina o tusi i se faiga o ni faailoga faailoilo, lea o lo o faamautinoa ai e le o faia nisi suiga ma e le o faapena foi ona avanoa i ai se tagata i nei faamaumauga i le maea ona faia – vagana le Komesina (ma le Polokalame Faakomepiuta a le IRS) i le tuanai ai ona sueina maeaea tusi.

O polokalame taitasi uma o faamaumauga faasuetusi e i ai metadata ua tuu faatasi i ai – numera masani o le polokalame. E faaaogā e sueina ai le lelei ma mautinoa ua tuuina atu faamaumauga faasuetusi i le faasologa sao.

6.1. Faia o Faailoga Faalilolilo o Faamatalaga Faasuetusi

O le faia o faailoga faalilolilo o faamaumauga faasuetusi e puipui ai le avanoa i faamatalaga o faatauga o se tagata lē faatagaina, ma mafai ai ona faaopoopo atu taaloga lotto tau tupe i le Polokalame faakomepiuta a le IRS i le lumanai. E na o le pau lava le tagata e mafai ona ia faitauina faailoga faalilolilo o faamaumauga faasuetusi o le Polokalame faakomepiuta lea a le IRS o lo o faaaogāina i nofoaga o le IRS faatasi ai ma le Komesina.

6.2. Faamaoniga o le Sueina o Tusi

O le faamaoniga o le sueina o tusi e faia e le Polokalame Faakomepiuta a le IRS i le taimi lava lea e taulimaina ai faamatalaga o le sueina o tusi, ma teuina malu loa i luga o le Polokalame a le IRS.

O faamatalaga iti o aofia i le faamaoniga o le sueina o tusi e ao ona mautinoa ai e faapea, e faatoa mafai lava ona faaaogāina faamaoniga o le sueina o tusi e le elemeni puipuia lea e sainia risiti ia e aofia ai i faamaumauga o le sueina o tusi ua taulimaina e le Polokalame Faakomepiuta a le IRS.

6.3. Faagasologa o le Sueina o Tusi

O le sueina o tusi o se faagasologa o le faaliliuina sao atu o faamatalaga o le sueina o tusi mai se E-SDC i le Polokalame Faakomepiuta a le IRS ma tagofia ai le tali mai a le IRS mo le masini faapitoa.

E tolu vaaiga faapitoa: sueina o tusi e faaaogā ai le ki faatonutonu, sueina o tusi faalotoifale e amataina e se tagata totogi lafoga ma le sueina faalotoifale o tusi e amataina e le IRS. O Tulafono faafogē e faavae ai ma faagasologa ua faamatala atu i totonu o lenei parakalafa e faaaogā i vaaiga uma ia.

O le sueina o tusi o se faagasologa masani. E faalagolago i le aofai ma le tele o faamatalaga faamaumau ma auala o fesootaiga e mafai ona faia i le itiiti ifo mai le sekone i le lua itula po o ni aso foi e faamaea ai.

6.4. Pepa Faaletoroni SD Card po o USB

E faaogā Pepa SD po o USB e avea ma auala e feaveai ai faamatalaga faaletoroni o fesootaiga faainitaneti i mataupu tau le sueina faalotoifale o tusi e se tagata totogi lafoga po o, e ala i le IRS. I so o se itu, e ao i leni USB po o le Pepa SD ona aunoa ma se faamatalaga o i ai, e amata tuuina i ai e le E-SDC faamatalaga tau le sueina o tusi faaletoroni.

O le taimi lava e taulimaina ai e le E-SDC faamatalaga faaletoroni o le sueina o tusi (risiti ua maea ona sainia ma faamatalaga tusitusia) mai le elemeni puipuia, ua faapea loa ona faia faailoga faalilolilo ma teuina i le nofoaga mautu o tuuina uma i ai (hard drive, flash po o SD card faalotoifale).

E matua lelei ona faagaoioia atoa e le masini E-SDC le sueina faaletoroni o tusi. E ao i le tagata totogi lafoga ona ia mafai ona sainia risiti fou e faalagolago i le faatagaga a le elemeni puipuia. O lo o i ai se faiga e faatino ai le faaauuina o le gaoioiga a le elemeni puipuia ma le E-SDC a o auina atu faamatalaga o le sueina faaletoroni o tusi i le Polokalame faakomepiuta a le IRS.

I le faalagolago ai i le avanoa o fesootaiga, e mafai ona amataina le sueina faaletoroni o tusi i le taunuu ai o se risiti ua sainia mai le elemeni puipuia po o le faaofina o se masini i fafo e tuuina i ai faamatalaga i totonu o le E-SDC. Po o le a lava le mafuaaga o le sueina faaletoroni o tusi, o le a faia pea fesootaiga i le va o le E-SDC, le Polokalame faakomepiuta a le IRS ma le elemeni puipuia:

1. e faailo atu e le E-SDC le amataina o le sueina faaletoroni o tusi i le elemeni puipuia;
2. e toe faafoi atu le tali a le elemeni puipuia i le E-SDC;
3. e amata auina atu e le E-SDC (e ala i le HTTPS) po o le lafoai i totonu o (SD card ma USB) faamatalaga faaletoroni o le sueina o tusi e amata i faamatalaga ua leva ona i ai e le i sueina e faasolosolo taitasi. O le a faapena foi ona momoli atu i le Polokalame a le IRS le feau e faaogā ai le auala lava lea e tasi o fesootaiga;
4. e taulimaina i le Polokalame a le IRS faamatalaga o le sueina faaletoroni o tusi, faaogā faailoga faailoilo e tatala ai ma amata faamaonia;
5. afai ua faataunuu lelei le faamaoniga, o le a faia loa e le Polokalame a le IRS faamaoniga o le sueina o tusi ma toe faafoi atu e ala i le faaogāina o le auala lava lea o le feaveaiga;

6. e taulimaina e le E-SDC faamaoniga o le sueina o tusi ma tuuina atu i le elemeni puipuia;
  7. e faamaonia e le elemeni puipuia pe afai ua maea ona sainia le sueina faaelevatoroni o tusi e le Polokalame Faakomepiuta a le IRS i le faaaogāina o se ki patino lea e mautinoa ai ua maea lelei ma sao atoatoa faamatalaga o le sueina o tusi ma taulimaina e le Polokalame a le IRS;
  8. afai ua aloaia le faamaoniga o le sueina o tusi, o le a faamaea loa e le elemeni puipuia le faagasologa o le sueina o tusi;
  9. e teuina e le E-SDC faamaoniga o le sueina o tusi i totonu o le nofoaga autu e umi se taimi e teuina ai -
    - (i) **ua faatatauina faamatalaga o le sueina faaelevatoroni o tusi na faia a o lumanai ai le sueina**, ua malupuipuia mo le toe aveeseina aua ua maea ona taulimaina i le Polokalame a le IRS;
    - (ii) **ua faatatauina faamatalaga o le sueina faaelevatoroni o tusi e le i sueina**, ma e fitoitonu i le E-SDC le faasaoina o lenei iunite o faamatalaga o le sueina o tusi lea ua auina atu i le Polokalame a le IRS i le sueina faaelevatoroni o tusi o sosoo ai;
    - (iii) **ua faatatauina faamatalaga e sueina faasuetusi ia na faia a o lumanai ai le faaiuga o lona sueina**, e le i sueina faaelevatoroni ma e fitoitonu i le E-SDC le faasaoina o lea iunite o faamatalaga ia ua auina atu i le Polokalame a le IRS mo le sueina i le lumanai.
- 6.5. Sueina faaelevatoroni o tusi i fafo atu  
O lenei sueina faaelevatoroni o tusi o le faagasologa o le faaliliuina atu o faamatalaga i le Polokalame a le IRS e faaaogā ai fesootaiga faainitaneti. O se auala taatele tele lenei o faatino ai le sueina o tusi mo so o se masini o fesootai i le tele o taimi.  
E siaki e se E-SDC pe ola le initaneti a le Polokalame a le IRS. Afai o ola, e faamaonia e le E-SDC le moni atoatoa o le Polokalame a le IRS e ala i le faaaogāina o faila laiti o faamatalaga ua faapipiina i luga o le API, e mafai ai ona faia faailoga faalilolilo HTTPS. E faamaonia e le Polokalame a le IRS le moni atoatoa o le E-SDC e ala i le faaaogāina o fuainumera tatala faaelevatoroni e tuuina atu i le elemeni

54 *Tulafono Faatonutonu o le Faafuaga o Lafoga* 2022/2  
(*Polokalame Faaletoroni e Mataitu ai Faamatalaga*  
*o Oloa Faatau mo Lafoga*) 2020

puiipua. E amata ona auina atu e le E-SDC faamatalaga o le sueina faaeletoroni o tusi i ni aofaiga tuufaatasi laiti, faatino se faasologa o le sueina o tusi seia oo ina ua le toe i ai ni faamatalaga o totoe e le i sueina o i ai i totonu o le nofoaga o teuina ai faaeletoroni.

6.6. Sueina Faalotoifale o Tusi e Amataina e le Tagata Totogi Lafoga;

O le amataina ona sueina faalotoifale o tusi e le tagata totogi lafoga o se vaaiga masani lea mo masini ia e le mafai ona fesootai atu i le initaneti ona o tapulaa faatekonolosi o masini po o fausaga faatapulaaina.

O le sueina faaeletoroni o faamatalaga e amata e ala i le faapipii atu o se SD card po o se USB Flash e le o i ai ni faamatalaga i totonu i le masini E-SDC. O le a faapea ona faamaonia e le E-SDC pe afai e moni o lo o aunoa se mea o i ai i totonu. Afai e leai, o le a tuuina atu e le E-SDC se faailoilo o lo o i ai se mea sese i lē o lo o ia faaaogāina.

6.7. Tuuina atu o Faamatalaga i le Ofisa o le IRS

E mafai e le Komesina ona tuuina i luga faamatalaga e ala i le faaaogāina o polokalame faapitoa ia o le a teuina ai faamatalaga o le sueina o tusi, ia ua tapeina mai le polokalame faaeletoroni, ma teuina faamaoniga nei ma faia e le Polokalame a le IRS, i le taimi lava lea e taulimaina ai faamatalaga o le sueina o tusi.

6.8. Tuuina atu o Faamatalaga e ala i le Faaogāina o Polokalame o Tuatusi Faakomepiuta

E mafai e so o se tagata ona ia aveina ese mai faamatalaga faatapulaaina o le sueina o tusi (mo se faataitaiga, e oo atu le maualuga i le 30Mb) e ala i le faaaogāina o le tuatusi faakomepiuta. O le a faapea ona faamaonia e le Polokalame a le IRS faamatalaga nei o le sueina o tusi ma taulimaina ma faia faamaoniga e tuuina atu ai le tali. E manaomia lē o faaaogāina ina ia tapeina i le faiga masani e aunoa ma le initaneti faamatalaga faasuetusi ia mai le polokalame ma teuina ia faamaoniga mo le faaaogāina mulimuli ane.

6.9. Faamaeaina o le Sueina o Tusi o lo o Faagasolo

E tuuina i totonu e le tagata totogi lafoga i le polokalame faamaoniga o le sueina o tusi i se faila faapitoa. O le a tuuina loa i totonu e le E-SDC faamaoniga nei ma faagasolo i le faatulagaga, ona auina atu loa lea o lea faamaoniga o faamatalaga o le sueina o tusi i le elemeni puiipua mo le faagasologa.

Afai ae le o aloaia le faatulagaga po o le faapea foi e le mafai e le E-SDC ma le elemeni puipuia ona faagasolo le faamaoniga o le sueina o tusi mo so o se mafuaaga, e auina atu e le E-SDC le faailoilo faaelevatoroni o lea mea sese i le tagata o lo o ia faagaoioia le polokalame.

6.10. Sueina Faalotoifale o Tusi e Amataina e le IRS

O le sueina faalotoifale o tusi e emataina e le Komesina e manaomia le faia pe afai e le o lipotia atu e le tagata totogi lafoga feuiaiga faapisinisi mo so o se mafuaaga. Afai o lo o faagaoioia le E-SDC ma le elemeni puipuia, o le a lafoai e le Komesina faamatalaga e ala i le faaaogāina o le faiga masani lava lea e pei ona faia e le tagata totogi lafoga.

**FAAMATALAGA 3**  
(Tulafono Faatonutonu 21(c))

**TAIALA FAAPITOA MO AUILIILIGA FAAMAONIA**

**FAASOLOGA O MATAUPU**

1. Faatomuaga
2. Faamatalaina o uiga o upu
3. Faagasologa o le iloiloga
4. Taunuuga

**1. Faatomuaga**

O lenei Taiala o le taiala faapitoa mo le faamaonia aloaia o se POS po o se E-SDC.

E faamaonia aloaia e le Komesina le ituaiaga, fausaga faataitai ma aiaiga o POS po o E-SDC taitasi e tuuina atu e se tagata o lo o ia tuuina atu oloa ma auaunaga. E faamaonia foi e le Komesina POS ma E-SDC taitasi o se EFD ua saunia, faapipii ma faatino e se tagata totogi lafoga. O lenei faiga e faatino ina ia mautinoa ai e faapea, o lo o ogatasi le faagaoioiga o EFD o pisinisi a tagata totogi lafoga ma Tulafono Faatonutonu nei.

**2. Faamatalaina o le uiga o upu**

I totonu o lenei Taiala:

“talosaga” o lona uiga o se talosaga mo le faamaonia aloaia i lalo o le Tulafono faatonutonu 8 po o le 9;

“tagata talosaga” o lona uiga o lē o ia tuuina atu oloa ma auaunaga, po o le tagata totogi lafoga o ia lea ua ia faia se talosaga.

**3. Faagasologa o iloiloga**

E amata le faagasologa o iloiloga pe a taulimaina e le Komesina se talosaga mo le faamaonia aloaia o se POS po o se E-SDC.

O le faagasologa o le iloiloga e aofia ai se auiliiliga tau pulega ma faatekonolosi o le faagasologa o galuega a le POS ma le E-SDC tuufaatasi e avea o se EFD po o se POS po o se E-SDC e avea ma vaega e ese ai.



E iloilo e le Komesina le POS po o le E-SDC e ala i le faataitai o tualumaga faalotoifale a le tagata talosaga. O le faamoemoe o le siakiina lea pe o usitaia e le tagata talosaga manaoga uma tau pulega ma faatekonolosi ma faataitai ma faamaonia galuega faatino uma.

**Mo iloiloga tau pulega, e auilili e le Komesina faamatalaga faamauiina e ala i le suesueina i ni fesili o galuega tauave o faia i totonu o le taijala o faaogāina ma isi tusitusiga ina ia mautinoa ai galuega tauave ua faamatalaina le faatinoga; e aofia ai le laisene aloaia o le pisinisi a le tagata o talosaga (po o le laisene na tuuina atu e le Komesina po o na tuuina atu i le atunuu o nofomau ai lē o talosaga).**

O le iloiloga faapitoa e iloagofie ai po o i ai ni ituaiga mataupu faapenei:

1. O le lē tausisia: o lo o aofia ai se eseese o galuega faatino fuafuaina, ma e ao ona foia e le tagata talosaga;
2. Faafitauli: e iloa ai po o faaletonu, le faagasologa po o aafia i ni polokalame faakomepiuta o lo o maua ai ni taunuuga lē sao po o, e le i fuafuaina, ma ao ona foia e le tagata talosaga;
3. Masalosaloga: po o i ai se tulaga lē mautonu ona o le lē malamalama ma foia e ala i ni suesuega ma faamalamalamaga a le tagata o talosaga;
4. Mataituina: o i ai ni faaletonu laiti, aemaise lava i faamatalaga tusitusia po o le foliga mai o ni vaega tau faataitai; o nei mataupu e tataua ona aofia ai se vaega ititi e manaomia po o le tuuina atu ma le lotofuatiaifo lelei e atagia ai le tulaga o noataga e foia e le tagata talosaga;
5. Faaleleia: e aofia ai talosaga ina ia siitia le faatinoga lelei e mafai e le tagata talosaga ona foia pe leai foi.

E tusia e le Komesina lipoti o faataitai e uiga i sailiiliga o iloiloga faapitoa ma faamaoti mataupu.

O mataupu uma e le o tausisia, faafitauli, masalosaloga ma le mataituina i vaega laiti faatulafonoina ia e ao ona foia a o lumanai ai ona faamaonia aloaia.

E tali atu le tagata talosaga i mataupu taitasi ua faailoa atu e ala i le saunia ma faamautu galuega faatino mo le foia ai faatasi ma le tuuina atu ma tuulata mai o lipoti o gaoioiga faataitai e ala i le tali atu ma fuainumera faapitoa e faamautu atu ai se polokalame faapitoa faakomepiuta.

O fesootaiga i le va o le Komesina ma le tagata talosaga e saoloto, faamaoni ma galulue faatasi i le soalaupuleina o mataupu taitasi.

O faafitauli e ono aliaie mai i le faagasologa o iloiloga e faapea:

1. o le faatuai ona saunia e le tagata talosaga o galuega faatino manaomia mo le foia o mataupu ua faailoaina a o faagasolo le iloiloga;
2. tulaga manaomia o le tele o lipoti o faaitaiga o aofia ai faafitauli ma fesili foi e maua a o faagasolo le iloiloga;
3. o le lē malamalama o manaoga.

E mafai e le Komesina ona faaopoopoina le taimi o le tagata talosaga e tali atu ai i mataupu ma faia le faaiuga mulimuli o galuega faatino.

#### **4. Taunuuga**

Afai ua foia mataupu ma faia i ai le faaiuga mulimuli ina ia faamalieina ai le Komesina ma le tagata talosaga e tusia e le Komesina le lipoti e faamaonia aloaia ai ma faamatala le faagasologa o le iloiloga ma ona taunuuga ma faapea foi ona faia ana fautuaga e lagolago ai po o le teena foi o le faamaoniga aloaia. Afai ua faailoa mai i taunuuga o le faagasologa o le iloiloga e faapea o lo o tausisia i faagasologa tau pulega ma faatekonolosi a le tagata o talosaga nei Tulafono Faatonutonu, o le a faamaonia aloaia loa e le Komesina le POS po o le E-SDC.

E teena e le Komesina le faamaonia aloaia o le tagata talosaga pe afai ua le mafai e le tagata ona ia saunia ma faia faaiuga mulimuli o galuega faatino mo le foia o mataupu ua faailoagofie atu a o faagasolo le iloiloga, faatasi ai ma aafiaga e faapea e le o usitaia i faagasologa tau pulega ma faatekonolosi a le tagata talosaga Tulafono Faatonutonu nei.

---

**Tuina atu i lalo o le pule faataga a le Tulafono o Tulafono Faatonutonu 1953.**

**Aso e amata faamamaluina ai: 25 Fepuari 2020.**

**O nei Tulafono Faatonutonu o lo o faafuaga e le Matagaluega o Tiute ma Tupe Maua.**

**O ata o nei Tulafono Faatonutonu o lo o mafai ona faatauina atu, mai le Ofisa o le Failautusi o le Fono Aoaofaitulafono.**